


INKULO SHA MA

CHALICHI CINE LUBALI

 ...mwebapalwa Shikulu Yesu. Kabili cakwenekela icikalamba ilyo Ndelolela ukukwata ishi inshita shabushiku ishakulongana, ukucetekela ukutila, munshila imo, Taata wesu uwamu Myulu ali nokumwentwila amapalo Yakwe kuli ifwe. Kabili inshita yonse ilyo Nakwata inshita iyakwisa muno ukuti tukwate uku ukulongana pano mu—mu chalichi, pamo nebumba, mwebanono, mwebumba ilyabamembala pano abamu chalichi, nabeni, nabo pamo.

² Kabili ici tacabilishiwe. Califye nikulya kwinefye ukulongana kwapali Citatu ubushiku ukwamapepo. Kabili Natile, “Limbi munshita ya bushiku twalamona nga cakutila kuti twaisa bwela.” Kabili Natontonkenye ukutila natucisunkila kuntanshi, limbi, nokubilisha ukutila ca uyu mulungu uuleisa, mulandu nshi, kuti caba... Ifwe teti twikalike abantu abengi pano.

³ Kabili noyu umusango wakulongana, nga cakutila caba bufwayo bwakwa Lesa, takuli kwa... Kwena kulungeme pano pa Chalichi, pakunonkelamo ukwa Chalichi, apo tuleumfwa ukutila kwena kuli apakalamba ukwakabilwa pali iyo nshita, ukuli konse, cili, naco, pakukusha u Mubili wakwa Kristu. Kabili, nomba ici, mukufundisha. Nalikwata ukulongana ukwa bundapishi pa myaka cine konse konse, mukulungatana; kabili nomba, mukufundisha, cena cili nokuba icintu cimo icipya.

⁴ Kabili Nacilatontonkanya, muno cungulo kasuba, lintu Nacisula Baibele, panuma yakuba uwapamfiwa nganshi mukasuba konse. Nacitontonkanya ukutila, “Ukuba, Naebele abantu ukutila Ndi nokufundisha pa *Inkulo Sha Ma Chalichi Cine Lubali*, limbi, nga cakutila Shikulu caba ubufwayo bwakwe.” Naile mukubelenga kabili nasangilefye ico, nali nensansa isha cine, lintu Natampile ukubelenga ico. Kabili Natontonkenye ukutila, “Ukuba, kuti Napwisha ico mubushiku bumo, muli ola imo.”

⁵ Eico, Nshaishibe ico Mupashi wa Mushilo alefwaya ifwe ukucita. Ifwe, tatweshwa ukubikapo icili conse. Cena cabafye, “Nga cakutila cena caba bufwayo Bwenu, Shikulu,” mwamona. Ico ecawamisha. Kabili nomba, nga cakutila cili nokuba bufwayo bwakwa Shikulu, kuti Nafwaya ukufundisha munshita yabushiku pankulo shamachalichi, kabili mailo munshita ya bushiku *Pa Lulembo Lwa Ciswango*, kabili ubushiku bumbi ubukakonkopo cikaba pa *Cikakatikilo Cakwa Lesa*, na ico.

⁶ Kabili, nomba, pa Cibelushi. Owe, munyinane, kasunga, aciba alenjebafye, ileelo; acitila, “Nga cakutila kuti bakwete pa Cibelushi ubushiku napa Mulungu ulucelo, ilingi line, lintu abeni baisesa pakati kesu, mulandu nshi, ichalichi cili nokuba icalamba, nefyaba ngefyo.”

⁷ Eico bena bakwete itontontokanyo ilyakukwata pali Citatu, pali Cine, napali Cisano, kabili napa Mulungu ulucelo, napa Mulungu ubushiku. Kabili Natile, “Ukuba, ico cili nokuba icalungama icapwililika, ukukonkafye nefyo Nali uwasakamana.”

⁸ Eico nomba tuli nokwesa, nga cakutila caba bufwayo bwakwa Shikulu, kuti twakwata ico pali Citatu, pali Cine, pali Cisano, pa Mulungu ulucelo, napa Mulungu ubushiku. Kabili, limbi, pa Mulungu ubushiku limbi kuti twakwata umulimo wa lubatisho, nga fintu abantu kale balipusha palwa kubatishiwa. Kabili eico nomba . . .

⁹ Kabili tuli nokwesa ubushiku bonse, ukutampafye munshita, pa seveni sate. Kabili nomba, Ndi nokuya pacintamba pa eiti koloko, tufwile ukufuma mwi hema pa naini sate, nga caba bufwayo bwakwa Shikulu. Icakutila imwe . . . Ninjishiba mulabomba, kabili tulapela umucinshi kuli ico.

¹⁰ Kabili nomba ishi Mbila ishinono ukufuma mwi Buuku Iya Kusokolola shena shilungeme pa Chalichi. Kabili Ndesubila umuntu onse ali nokubika ici mumano, ukutula ici tacilungeme kuli bukapepa bwamuntu uuli onse, nangu ubwiminishi ubuli bonse; cenafye, nikukwishiba kwandi ekonashiba, kukubelenga nokulondolola ukwa Cebo cakwa Lesa. Mwamona? Cena taciletwalwa mu bwiminishi bonse ubwa kuitemwa, nangu cena tacitwelwe pa muntu uuli onse, pali umo uuli onse, nangu pa chalichi ca muntu uuli onse, pali bukapepa bwa muntu uuli onse.

¹¹ Kabili umulandu Ningafwaila ukufundisha pali uku ukusokolola pano pe hema, ukuba ichalichi candi, mulandunshi, Ndecumfwafye ukutula Ndi pamwesu. Kabili—kabili Ine fye, namwishiba, musango uwakupela impaanga shandi icakulya ico Ndetontontokanya bena balekabila, namwishiba. Ukufika apa- . . .

¹² Abantu, inshita shimo balafwaya ukubikamo umucele uunono lintu u—u—umusalu taulaonaika, namwishiba. Cena limbi kuti cacena impaanga nga cakutila tamucitile ico. Eico, umuku umo pakashita kamo, lintu limbi umusalu wakwata ukonaika pa chalichi, kabili—kabili utwakupusana utunono twaisamo, eico Ndetontontokanya umucele uunono, icaba ngefyo, niukapususha, bushe tamuletontontokanya ifyo? Cena cilabasunga ukufuma ku kulwala.

¹³ Eico nomba twapepa ukutula—ukutula Lesa alatupala bonse muli ifi. Kabili nibanga . . .? Ndeumfwa fye, kwatifye baume na banakashi, nga fintu tuli, Kutu nafwaya ukulolesha muli ico,

mailo munshita ya bushiku, pali, “Bushe ululembo lwa ciswango ni cinshi?” Tapaba ifingi muli Baibele palwa ico. “Ninani akwete ico? Kabili ninani uuli nokukwata ico?”

¹⁴ Kabili nomba, icakonkapo, kuli nokwisa inshita apo ico cili nokuba. Kabili Ine nshishibe, limbi kuti caba nomba. Tuli nokulolesha nokumona, ee, ukutila, kuli nokuba amabumba yabili aya bantu pesonde, kabili limo lili nokuba ilyashilwapo na ciwa, kabili nalimbi lili nokuba ilyashilwapo na Lesa. Kabili Ndetontontonya, ukutila nga cakutila ifwe tuli mupepi nokupalamina muli iyo nshita, tufwile ukuba abalolesha konse, nokufwailisha ifyo ico cintu cili, pantu icine cine tacili nokwisa muli cimofye kwati cintu cimo icikalamba. Baibele yatila cikesa sokelelamo mukwanguka, ukutila, “Cena kuti cabepa nabalya bene abasalwa nga cakutila kuti cacitwa.” Eico tuli nokwesa, nga cakutila bwaba ubufwayo bwakwa Lesa, ukulolesha ukupita muli cena mailo munshita ya bushiku. Nomba, apo epo ningapela muyandi . . .

¹⁵ Nomba, mukese naba Baibele benu, naba pensulo benu namapepala, kabili nga mulefwaya ukulemba Amalembo. Kabili, nga tamuletontontonya ukutila ico cilifye bwino icalungama munembele pakapepa akanono kabili mubikepo icapa bushiku ubuli nokukonkapo.

¹⁶ Ndeibukisha naposele umwaka umo ne myeshi mutanda pali ili i Buuku ilya Kusokolola, mwi—mwi hema pano. Ico eco Natemwa, mu—mukufundisha. Nalitemwafye ukufundisha. Oh, owe! Ine—Ine—Ine—Ine ntontontonya ukutila cisuma. Cena cipela apakwiminina, kabili cilenga ichalichi ukushikimana.

¹⁷ Kabili, mukushimikila, nomba, kwaliba abantu bamo ababa bakashimikila. Bena kuti babula i Cebo, no kusubwa, noku Citwala mumbi mulya muncende. Uko ekutapilisha i Mbuto isho kafundisha afundisha. Mwamona? Nomba, ufwile wabyala i Mbuto, mukubalilapo, kabili nomba ukutapilila Shena. Kabili ukutapilisha kufuma mukushimikila i Cebo.

¹⁸ Paliba ubukalamba, ubupusano ubukalamba pakati kakwa kafundisha na kashimikila. Mwamona? Fyena fyabupe fibili ifyapusana ifya Mupashi, fyonse capamo, ifya bupe fibili ifyapusana. Kabili mukuicefya Nalanda ico, lelo, Nshakwatapo icabupe pali ifyo.

¹⁹ Lelo icandi, nga lyonse, kupepelako abalwele. Ico eco Shikulu anjitalapo ukucita. Kabili nomba, muli iyi nshita, cena cipela ukutusha kwa mano yandi, ukubelenga pa cintu cimo icapusana, ukukana kwata ukulongana kwa bundapishi bwa maka yakwa Lesa; uku—ukufundishafye i Cebo. Kabili, oh, tuleendela mucisuma pano. Ifwe . . . Ndeibukisha, mwalishipikisha na ine panshita iitali, palwa myaka ikumi limo naibili ukuba pano, pali ico.

20 Kabili Nalelanda pamo...Ukukana pilibula ico ukuba icakusekesha, lelo, ukufundisha kwaliba ukwa afya, Natile, “Cena cabafye kwati muntu ukuya petebulo nokulya umukate wa mataba na cilemba.” Nomba, cena cisuma kuli imwe, lelo imwe mulaba abanaka pali ico, pakashita kamo akanono, ukutila imwe mwingakwata icintu cimo kulubali, amenshi makasa ayo babikamo shuka nomukaka nembukumya matobo, umuko umu pakashita akanono, lekeni cena cibe icakukumanisha fyonse ififwaikwa mumubili mu milile. Lelo ifintu ifyakale fili nokulambatila pali iwe limo, kabili, pakutampa, kuti cakupela icakutampilapo.

21 Nomba, muli ici, cena cili mukucetekela kwandi ukwa kuicefya ukwakutila ifwe tuleikala munshiku shakulekelesha isha lyashi lyakale ilya mwisonde. Ndefwaya ukulenga ico cumfwikishiwe bwino. Nomba, kuti Nalufyanya. Nshishibe. Takuli umbi uwaishiba. Yesu atile, “Nangufye niba Malaika abamu Muulu tekuti beshibe.” Ena taishibe, Palwakwe umwine. Atile, “Ico cabafye nikuli Taata, e Umo Uwaishiba.” Lelo cena caba ica cine kabili icashininkishiwa ukutila Ali nokubwela. Kabili Ine tekuti mone icili conse ukushalapo lelo kano uku-... Ukwisa kwakwa Shikulu.

22 Lintu, Nalolesha nokumona, icalo naconaika. Namona ifikansa fya calo nafyonaika. Namona amayanda nayonaika. Namona ichalichi naconaika. Ine...Tapalipofye nangu cimbi icishele icingawamya ico, kanofye Lesa, epelafye, pantu tabakwete icintu conse icishele. Imicitile iisuma iya calo nayonaika. Kabili notubungwe twafikansa fya calo natonaika; umu ifwe twacetekele apakalamba mu fikansa fya calo; tonse natonaika.

23 Kabili umuntu umu ukalamba ku England, tapapitile inshita iikalamba, atile, “Ukuba, amaisosele yamu calo yonse yale—yalesensenunwafye ukwabula inanga.” Iyo iyatile, “Kuli nokwisa inshita iyakutila bali nokwiminina pafibokoshi, balelanda pakusalwa.” Ukuba, ico cacine. Lelo tatontonkenye payakwe House of Lords, ifyo yena yali iyasensunwa apakalamba kabili iyabula inanga, pamo. Yena yapupwike, nayena pamo.

24 Kabili ubufumu bonse ubwa pali ili isonde buli nokutobaulwa mutupimfya. Yesu Kristu ali nokuteka kabili nokuteka. Eico kuli:

Isubilo lyandi talyakulwa pa cintu cimbi
 Ukucila pa Mulopa wakwa Yesu no bulungami;
 Fyonse ukushinguluka umweo wandi,
 Ena esubilo lyandi kabili ukwikala kwandi.

Pali Kristu, Ilibwe ilya maka, epo Naiminina;
 Umushili umbi uletotobela umucanga.

²⁵ Kabili, oh, Ndefwaya nomba ifwe twingatampa ukubamo palwa myeshi itatu mukulongana kwa kufundisha, eico imwe kuti mwaya mwi Buuku lya Kusokolola nokulyampanya pamo nelyakwa Daniele, pacimonwa icikalamba.

²⁶ Nibanga abashalapo, muli uno umukuni uunono pano, uyo uwaleibukisha lintu Ine nakwete ica tantikwa icakale pano? Ninjishiba Munyina Head epo ali, kabili epo mwali mwebengi pano lintu Nakwete ica tantikwa ca kale.

²⁷ Nomba, i Buuku lya Kusokolola, ifyo Lyena lyapangwa. Kabili Daniele alisuntinkana pamo na Lyena. Esaya alisuntinkana pamo na Lyena. Icipangano ca Kale conse calisuntinkana pamo na Lyena. Kabili Lyena li Buuku Ilya Kusokolola ilyakwa Yesu Kristu. Mwamona? I Buuku lya Kusokolola ilyakwa Yesu Kristu.

²⁸ Kabili nomba, mulya, muli ama Chalichi Cine lubali, Ifikuko Cine lubali, Ifikakatikilo Cine lubali, Amapenga Cine lubali. Nomba, ipenga limininako ubulwi; icikakatikilo, icankama- . . . ukuisokolola nakabili; kabili icikuko ecikonka pabulwi bonse.

²⁹ Kabili ukupitila mu bwafwilisho bwakwa Lesa, kabili pamo ne buuku lya lyashi, kuti Nashininkisha kuli imwe ukutila tuleikala pe Penga ilyalenga Cine lubali, pa Cikuko icalenga Cine lubali, napa Cikakatikilo calenga Cine lubali ukutila cingesulwa, ne Nweno Cine lubali ukupongololwa ukufumya.

³⁰ Lintu ilyalenga mutanda lili nokulila; ifwe tukaba pali ico, limbi, ukukakatika, pali Cisano ubushiku. Lintu Ubulwi Bwesonde lyonse ubwa Kubalilapo, mulandu nshi, li . . . lilya Ipenga ilyalenga Mutanda likalila umwabela, bwino bwino umwabela inshita iyo Lesa alandilepo. Bwino bwino, ukukonka ne ncende, ukukonka icikakatikilo ilyo ico tacilacitika. Kabili lintu icankama candi casokolwelwe mulya, palubatishe lwa Mupashi wa Mushilo; kabili na—nabantu nomba, ifyo icalichi tacaselele ukufumapo; kabili nabalya bonse abaleenda bakene ukwenda mu Lubuuto, kabili babwelelemo. Kabili icinkunka caiswilwe pali ilya inshita, kabili no kupongolwelwa pe sonde, ico icali nifulunyense, iyo iyaipeye abantu bonse nga fintu yacitile, amakana ukubikapo imiku iingi iyamakana.

³¹ Kabili nomba ukwisa munkulo iyakulekelesha, apo ifwe tuli pano. Kabili nokwisa kutika paco Shikulu afwile alanda palwa ico, mu Cebo Cakwe. Nomba, ico tacili icandi. Ine nakulabelengafye ico kwati lipepala lya lyashi ukufumya mulya mwine mu Cebo cakwa Lesa. Eico, Ubu ebusokololo Bwakwe ubwalungama pa Chalichi, ku Chalichi; Ukusokolola kwakwa Yesu Kristu, pa Chalichi.

³² Nomba, ilyo tatulalanda kuli Ena, nangu ukulanda pa kulemba Kwakwe, natukontamike imitwe yesu nokulanda kuli Ena pa kashita fye mwishiwi lye pepo.

³³ Shifwe wesu uwaluse Taata uwamu Myuulu, ilyo twakontekafye imitwe yesu pa lukungu, umo twafumine kabili tuli nokubwelelamo ubushiku bumo, nga cakutila Mwakokola. Twakontama mukuicefya, ukwipusha ukutila Mube mupepi naifwe, muno nshita ya bushiku, nokutupala. Kuti nabwesha amabula yamuli Baibele, lelo takuli umuntu umo uwingesula i Buuku nangu ukwisula ifikakatikilo ifyabamo. Kabili calilembwa Umu, “Uyo uwafumyako kuli Ici, ali nokufumishiwamo, icipandwa cakwe, mwi Buuku ilya Mweo; kabili uyo uwalundako kuli Ici, ifikuko ifyakwa Lesa fikapongolwela pali ena.”

³⁴ Taata, ukwiluka, nga abantu kabili nabanakashi abekele pano muno nshita ya bushiku, ukwishiba ukutila ifwe tuli bantu abakuya mu Muyayaya, Lesa, lekeni Mupashi wa Mushilo ese, Kalemba wa iyi Baibele, nokwisula aya amabula kuli ifwe. Kabili lekeni uwaicefya Wenu, umubomfi uushaba nobunonshi ashimikile ngomuntu uulefwa ku bantu abalefwa, kwati uku ekulongana kwa kulekelesha uko Ningakwata kuli luno ulubali lwa Muyayaya, ubushiku ubwakulekelesha ubo twingalongana capamo. Kabili lekeni cila umo uwa bakapepa acite munshita ino iya bushiku kwati lino lisambililo lya kulekelesha ilyo bengomfwa. Lesa, fumenipo ubupumbu bonse. Tulengeni ukuba abacishinka, ukwishiba ukutila tuli nokwasuka pa bushiku ubwa Bupingushi bwakwa Lesa, ubushiku bumo. Kabili nemibele yesu ukulola kuli Ena ne Cebo Cakwe, nomba, efili nokubika ubwikashi bwesu ubwa Muyayaya.

³⁵ Eico, Taata, ne mitima yesu iya tutuma, twaisa kuli Imwe, nokwipusha. Lekeni Shikulu Yesu, mumibele ya Mupashi wa Mushilo, isende i Cebo cakwa Lesa, muno nshita ya bushiku, kabili nokupela Cena kumutima onse, ngefyo tulekabila. Pantu twaipusha mwi Shina Lyakwe. Amen.

³⁶ Cenafye kuti camoneka iceni panono kuli ine, panshita ishinono nomba, mukweshu ukwisula isambililo mukufundisha. Pantu, cena lyonse caba pa bundapishi bwa maka yakwa Lesa pa myaka iinono iyakulekelesha, kabili nomba, nangu, nomba, te pabusesemo, munshila iili yonse, kabili nomba—kabili nomba ukuya mukulungama mu mulongo waba kupepela.

³⁷ Lelo nomba, muno nshita ya bushiku, tulefwaya ukuya ku ntampilo ye Buuku ilyo tuleipusha Lesa ukutwiswila, ilyo li Buuku Lya Kusokolola Yesu Kristu.

³⁸ Ili i Buuku lyalembelwe mu A.D. 96, umwabela bakalemba, kabili cali ni Yohane umutemwikwa.

³⁹ Kabili akwete ici icimonwa pa cishi ca Patmos, icishi muli Bemba wa Aegean, apali kwati ba mailoshi ikumi na basano, nangu icintu cimo, pali ico, mukushinguluka, incende icine cine iya mabwe iyaisulamo insoka, nefyaba ngefyo, ico icalo caba Roma calebomfya nge Ncende yakusungilapo, ngefyo twalamona

ico ileelo, incende iya kusungilapo bancita tubi abo ubuteko bwafilwa ukubabika munshila.

⁴⁰ Kabili ili i Buuku lyalembelwe naumo uwakulekelesha uwa batumwa abakwa Shikulu Yesu Kristu, uwacetekelwe ukuba umo uwashintilile pacifuba Cakwe panuma yakubuka kubafwa; kabili Atile, “Cili nokuba shani kuli aba nga cakutila Nakokola ukwisa?” Yohane afwile, umuntu umukote. Onse pali bamfuwila kristu akakatike ubunte bwakwe nomulopa wakwe.

⁴¹ Yohane, ubuyo bwakwe bwafikilishiwe ngefi: Balimwikete, nokumwipika mumpoto ya mafuta pali ba ora amakumi yabili nabane, mu mafuta ayakaba ayabilauka, kabili ukwabula ububi nangu bumu ukuya kuli ena. Kabili bamubikile pacishi ngefyo cena casekele mukucetekela, ngendoshi, “Alowele amafuta eico yena yafililwe ukumoca,” batile. Pantu, yena yali maka yakwa Lesa, ukutila. Tekuti mwipike Mupashi wa Mushilo ukufuma mu muntu. Mulandu nshi! Eico baeseshe ukwipika Ena ukufuma muli ena, lelo Lesa tasuminishe ico. Kabili Alimukwatile umulimo uwakucita. Kabili mpaka Lesa apwisha no muntu Wakwe, tapali nangu cimo mwisonde icinga sakamika ena. Epela ifyo fine.

⁴² Nomba, Yohane pakuba umukote, ena...balibeba kubalyashi Iya kale, ukutila bamuletele ku—ku chalichi, mukushimikila. Kabili ali umukote nganshi, icintufye cimo ico alelanda, cali, “Mwebana abanono, muletemwana umo no munankwe.”

⁴³ Ndemweba, ico e cintu icisuma nganshi ica kushimikilapo. “Mwebana abanono, muletemwana umo no munankwe.” Ilyo Ndekula mu bupyungishi nomba, kabili ilyandi...mu mwaka wandi uwalenga amakumi yabili naumo. Ndatontonkanya, inshita yonse ilyo Ndetwalilila, ukutila ici...Ilyo Ntontonkanya pali Shikulu Yesu ukucilapo, elyo Nsanga ukucilapo ukutila kutemwa ekufimba pa cintu conse. “Ukudemwa kwakwa Lesa, ukwabikwa mukati akamitima yesu na Mupashi wa Mushilo.”

⁴⁴ Nomba twalabelengafye ama versi yanono pano, ukuba...tutampeko, nomba twalaya mukufundisha pa chalichi. Kabili nomba twalalesha ukucileta pa ncende, nga cakutila Lesa asuminisha, muli iyi inshita iikalamba iyo Nkwete, ukufika apo ifwe kuti twafika apo twingabula, *Ululembo Lwa Ciswango*, ulo ulukaba pa bushiku bwa mailo ubushiku.

⁴⁵ Nomba, ici cili ku chalichi. Nomba, Nalalesha ukubula, kwena, ichalicha ca Efese, ichalichi cakubalilapo, kabili ichalichi icakulekelesha ico tuleikalamo nomba, ichalichi ica Laodekeya nomba.

U Kusokolola kwakwa Yesu Kristu, uko Lesa apele kuli ena, ukulangisha ku babomfi bakwe ifintu ifyo mupepi fifwile ukwisa fikilishiwa; kabili atumine malaika wakwe nokulangisha...atumine nokulangisha

*ico na malaika wakwe ukuya ku mubomfi wakwe
Yohane:*

46 Nomba, Amalemba yaletupela ifwe icakutampilapo apa. Cena, “Kusokolola. . .” Nangu, ishiwi *ukusokolola* cilepilibula “icintu cimo ico icasokololwa.” “U Kusokolola kwakwa Yesu Kristu,” ukwapelwe kuli Yohane. Kabili na malaika atuminwe ku kupela icakushininkisha, nangu icakulangisha ico.

*Kabili apele ubunte ubwa cebo cakwa Lesa, kabili
ubunte ubwakwa Yesu Kristu, kabili ne fintu ifyo
amwene.*

Alipalwa uubelenga, . . .

47 Nibanga abengafwaya ukukwata ipalo? Nomba, belengeni Ico. Mwamona, “uyo uubelenga.”

*Alipalwa uubelenga, nabo abomfwa ifyebo fya
busesemo, nokusunga ifyo ifintu ifyalembwa mukati:
pantu inshita naipwa.*

48 Mu mashiwi yambi, te nshita ukufika mupepi *nomba*, lelo, “Inshita ili mupepi, ilyo bamona ici Cebo caba icapwililika, lintu u Kusokolola ukwapwililika.”

49 Lintu Lesa atampileko, kwati nikalenga atampa ukulenga icikope ica cintu cimo, Atampa ukubikamo ifilundwa Fyakwe. Imwe kuti mwatampa ukucimona calamoneka. Kabili lintu mwatampa mukutendeka mwi Buuku lya Kusokolola, mwamona Yesu Kristu atampa ukwisa mucikope. Kabili pa mpela ya Ico, mwa Mumona napwililika, naikala pamo ne Chalichi Cakwe, uwakatamikwa; inshiku shonse isha lubembu nobwafya nokweshiwa nashipwa, kabili Kristu naikala pamo ne Chalichi Cakwe, mu Myulu iikalamba pa muulu.

50 Cisuma, versi mu 4. Kutikeni. “Yohane kuma chalichi. . .” Nomba, uyu ni Yohane eulelanda. Mukubalilapo, ni Lesa ewalelanda Kusokolola kwakwa Yesu Kristu. Icakonkapo:

*Yohane ku. . .ama chalichi ayali ku Asia:
Ukusenamina kube kuli imwe, no mutende, ukufuma
kuli ena uyo uuli, kabili uyo uwali, kabili uyo uuli
nokwisa; nokufuma ku Mipashi cinelubali iyo iili ku
cinso cakwa Lesa;*

51 Oh, nga cakutula twacikwata icipampa icafita pano *nomba*, ukulengapo, panono, mwamona, “Imipashi cinelubali iyo iyaba ku cinso cakwa Lesa;”

52 Nomba, ukusungako inshita iinono, kabili ukucetekela ukutula Ine. . . ukwishiba ukutula Ine tekuti ng’ambule munshila imbi iili yonse pacintu icili conse, pantu mwisonde tamwaba nangu cimo. Kabili nga cakutula mwakwata ukutwishika ukunono palwa ico, imwe cilembenifye kabili nokwisa njipusha, kabili kutu Namipela i Lembo ilyapali ico. Kabili *nomba* ngefyo

tufwile twaangufyanya ukwingila muli ici, tuli abatitikishiwa nenshita.

⁵³ Nomba, “Imipashi cinelubali iyo iyaba ku cinsu cakwa Lesa.” Iyi i Mipashi cinelubali yaiminineko nge Mipashi cinelubali iyo iingatumba ukuya ku Nkulo shama Chalichi Cine lubali, “Imipashi cinelubali iyaba kuli Lesa.” Ifwe kuti twatampila ukusenda ico ukufuma mu Cipangano ca Kale, kabili nokusenda ico ukufuma palya, nga cakutila twalikwete inshita.

Kabili ukufuma pali Yesu Kristu uyo uwaba inte iyacishinka, kabili uwakubalilapo ukufuma kubafwa, kabili imfumu ya shamfumu sha pesonde. Kuli ena uyo uwatutemenwe, nokutusamba . . .

⁵⁴ Owe, loleshenifye pali Yohane ali uwalaswa monse kulya, lintu aloleshe. Ailefye mukulanda. Atile:

. . .-kuli ena uyo uwatutemenwe, nokutusamba ukufuma ku membu shesu mu mulopa wakwe wine,

Kabili alitulenga ukuba imfumu kabili bashimapepo kuli Lesa. . . Wishi wakwe; kuli ena kube ubukata na bukateka umuyayaya no muyayaya. Amen.

⁵⁵ “Alitupanga ukuba bashimapepo kabili ishambfumu kuli Lesa.” “Ifwe” kufusha. Tekutila “ampangile ine shimapepo kabili i mfumu,” lelo, “atupangile,” fwe Chalichi.

⁵⁶ Nomba, alelanda kuli aya ama chalichi cine lubali, pantu shena ni Nkulo shama Chalichi Cine lubali.

⁵⁷ Nomba, atile, “Bukateka kabili nobukata, kabili fibe kuli Ena umuyayaya no muyayaya.”

⁵⁸ “Alitulenga ukuba bashimapepo.” Bushe alitalile ukwishiba ifyo shimapepo aba, ifyo i ofeshi lyakwe iyaba? Shimapepo kupanga ilambo, ukulapepelako bambi. Kabili mulya mu Ba Hebere, Catila ukutila ifwe, fwe Chalichi, tuli bushimapepo ubwa bufumu, “Bushimapepo bwa bufumu, icalo ca mushilo, abantu abaibela.” Mwamona? “Icalo ica mushilo, abantu abaibela, bu shimapepo ubwa bufumu.” “Ukupela,” apa cili nomba: “ukupela ya bumushilo,” umwame onse no mwanakashi uyo uwise kuli Lesa alengila mucifimbo.

⁵⁹ Mu Cipangano ca Kale, kwalifye cimo. . .kwali icifimbo ico icakobeme pakati kamuncende ya mushilo no Mwashilisha umwa mushilo. Alifye ni Aaroni, eka, ewaleya mulya, umuku umo pamwaka. Lelo umuntu onse uwaleba shimapepo, kuti akwata ukulyako, nangu ukusonda pali mana yakubalilapo uyo Mose na Aaroni baletola mu bushiku bwakubalilapo lintu manna yatampile ukupona ukufuma mu muulu. Ilyo baabwike umumana wa Yolodani. . .

⁶⁰ Abalwani balipaiwe, kunuma yabo. Kabili ubushiku bwakonkelepo balifumine baya, kabili naponse pamushili, pali utumikate utunono. Lesa aponeshe yena ukufuma mu muulu.

Baleita yena “manna,” yaleumfwika kwati buci. Kabili abantu balifye nokutola iyalinga ukupwisha ubushiku bulya bumo. Nga cakutula baisunga, yaleonaika.

⁶¹ Kabili Lesa aebele Mose na Aaroni ukuya mukutola imiseke iikalamba iyaisula, imiseke iikalamba, nokuitwala mu... mucipao, mu Ncende iya Mushilo.

⁶² Kabili mulya, ukutula, inshita yonse panuma yailya inkulo, ukutula inkulo yonse ukukonka iyo imo, ukufikafye napo bulya bushimapepo bwa bwina Levi bwingafika, Ndesubila, ukutula umuntu onse uwali uwalinga ukuba shimapepo, lintu alashikwa nga shimapepo, alikwete insambu ishalungama ukupokelela akanwa akaisula aka manna wakubalilapo. Tontonkanyeni pali ico. Wensambu we isho abantu batontonkenye bali nokukwata, lintu umuntu aishibe ukutula aleingila muli bushimapepo! Ali no—nokukwata akanwa akaisulamo amaka ayacilapo ayamukate wapangwa kumaka yacilamo, uwaimishiwa mu maka ayacilapo, icakulya ca maka yacilapo ico icalefuma kuli Lesa ukufuma mu muulu, uyo uwasungilwe mu maka yacilapo.

⁶³ Ubupyungishi bonse bwamaka yacilapo. Abantu kuti balanda shani ukutula bena bena Kristu, kabili nokukana amaka yacilapo? Nshishibe ifyo bengacita ico, palwandi neka. Lolesheni. Lelo, icamaka yacilapo! Ena aleyako kuca maka yacilapo, lilya linefye aba shimapepo.

⁶⁴ Wecakupashanya icisuma ica nomba, ukutula umuntu onse...Muli shilya inshiku, bena bali nokufyalwa ukukonka mucitoto cimo, icabwina Levi, ilyo tabalati babe bashimapepo, lelo nomba caba ni “onse uyo uwatemwa, lekeni ese.” Mwamona? Kabili lilya linefye bena baisa, nangu, bafwile baisa...i Cifyalilwa eco babika muli ico, pamo. “Ufwile wafyalwa cipya cipya.” Kabili umwaume onse nangu umwanakashi uyo uwafyalwa cipya cipya, ku Mupashi wakwa Lesa, alikwata insambu muli (buno bushiku), kuli manna. Uyu manna ni Mupashi wa Mushilo.

⁶⁵ Lintu Petro...panuma yakufuma mucimfulunganya icikalamba, namuli bu camwenso afumine pakati kabo, kabili Shikulu alebapala, kabili na Mupashi wa Mushilo aponene pa Bushiku bwa Pentecosti. Bafume nokuya mu musebo nokutampa ukubilikisha, nokulacita kwati bantu bapena, pantu icakutula abantu bonse batontonkenye ukutula bali abakolwa. “Ukulanda ukutula, Ndetontokanya ico twalacita pali ico?” Onse umu-... Nangufye isonde lyabukapepa, nomba, batontonkenye ukutula balya abantu bali abakolwa.

⁶⁶ Kabili kutika, cibusa wandi Katolika, uwapalwa nacisungu Maliya ali pamo nabena. Kabili nga cakutula taile mu Muulu mpaka nelyo aninine ukuya kulya nokusonda pa Cintu cimo ico icamulengele ukutula abe ngo mwanakashi uwakolwa, kuti iwe wafika shani kulya ne cintu cimo icishafikapo kulya?

Lelo apokelele Icintu cimo. “Umwanda umo namakumi yabili, pamo nabanakashi, Maliya Magadalena na bonse,” kabili bafumine nokuya mu musebo, ukulacita kwati bantu abakolwa, balepempenuka.

⁶⁷ Mpaka icituntulu (Nga cakutila kuti mwaelela uko ukulanda.) ichalichi icaswangana icabulya bushiku catile, “Lolesheni pali bena! Ico cilelangisha ifyo bena baba. Bonse nabanwa umwangashi uupya.”

⁶⁸ Ifyo eflyo Cali. Nomba kutikeni, Petro atile (Nomba batampile ukutila...), atile, “Imwe mwebantu bamu Yerusalemu, imwe mwebekala mu Yudea, lekeni ici cishibikwe kuli imwe, kabili kutikeni kufyebo fyandi: Aba tabakolelwe.” Nomba, Ndelanda pa chalichi cabena Efese apa, nomba. Mwamona? Mwamona? Nacilungama, inkulo ya chalichi cakubalilapo. Atile, “Aba tabakolelwe, ngeflyo muletontokanya. Uyu ni ola uwalenga butatu mukasuba; nefikulwa tabalaisula. Mumusango nshi...? Ukuba, iyi ni ola iyalenga butatu mukasuba.” Atile, “Lelo *ici e cilya* icalandilwe na kasesema Yoele. Calilembwa muli Baibele yenu. Muli Baibele yenu, ici calilembwa, ukutila ici cintu cili nokucitika. Mulandu nshi,” atile, ukutila, “imwe mufwile mwaishiba ici, imwe bakafundisha.”

⁶⁹ Ukuba, bushe kuti cabafye, nga fintu—nga fintu ichalichi cali pesamba lya kulangwa, kabili ukulangwa kumo kwine ukwalaiwa munshiku shakulekelesha, bushe tekuti muloleshe kunuma nokutila, “Ici ecalandilwepo?” Mwamona? Mwaumfwa. Kabili ne sonde lya kunse talyaishibapo nangu cimo palwa ico; cena—cena buwelewele kuli bena. Nomba batile. . .

⁷⁰ Atile, “Lolesheni kuno.”

Kabili batile, “Nomba. . .” lintu baumfwile ici.

Abebele ifyo bena batanike Yesu. Kabili nenshita yonse. . .

⁷¹ Imwe kuti mwakwata ukumyelela pakutanika Yesu. Kuti waelelwa pakusenda i Shina Lyakwe apabula nangu cimo. “Lelo uyo uwalandila ububi Mupashi wa Mushilo, takatale elelwa, muli lino isonde, nangu mwisonde ilili nokwisa.” Tuli munshiku ishakulekelesha, eico mufwile mwaba abacenjela. Muleenda abacefya. Mube ababupete, umupashi uwatobeka; umutima uwaicefya, uwakabila ukuleka Mupashi wa Mushilo akutungulula. Ameni. Nacilungama. Oh, owe!

⁷² Bali apa, bonse bali apa, bantufye abo imicitile yabo ilikwati. . . Bali niba camwenso, ilyo ba ola banono tabalafika; baisalile mu muputule wapa muulu. Lelo lintu Mupashi wa Mushilo aishile pali bena nokwisusha imitima yabo, nokuya mulya mumisebo! Nshiletunganya bali. . . Tabalecita ifintu ifyali ifyalubana. Bali mulya balesangalala nokulumbanya Lesa, mu—munshila iyakutila kwali ukusokololwa. Tabalifye palya ukulanda ifyabufi kuli umo nomunankwe nomba, nangula

bali niba Methodisti nangu ba Baptisti, bali, nangu bali aba Fariseo nangu aba Saduke. Bali palya balesangalala pantu bena balikwete ukusonda kwa Muulu mu myeo yabo. Lesa abapele manna yaku mupashi.

⁷³ Nomba, nga fintu Lesa apongolwele manna kulya mumibele yaiko, kabili yasendele inshita iitali ilyo bali pabulendo; icakupashanya icisuma. Kabili ubushiku ubo baingile mucalo cabulayo, manna yalekele ukupona.

Kabili pa Bushiku bwa Pentecosti, cali cintu cimo cine. . .

⁷⁴ Lolesheni pa Pentecosti, kuli Mose. Baloleshe kunuma kabili bamwene abalwani nabafwa. Miriamu abulile icisekese, atampile ukulisha, nokubilikisha, nokushana, kabili alebutuka ukulola mululamba. Abanakashi bamukonkele, balecita icintu cimo cine. Kabili Mose atambalike amaboko yakwe, nokwimbila mu Mupashi.

⁷⁵ Pa Pentecosti, abanakashi bafumine, balepempenuka, nokutolauka, nokushana, nokutwalililapo. Petro aiminine pakati kabo, nokutula, “Imwe mwebantu bamu Yudea naimwe mwebekala mu Yerusalemu, lekeni ici cishibikwe kuli imwe, kabili kutikeni ku fyebo fyandi: Pantu aba tabakolelwe, ngefyo muletontonkanya, ukumona yena ni ola iyalenga butatu mukasuba. Ici ecilya icalandilwe nakasesema Yoele; ‘Cena cikesa fikilishiwa mu nshiku shakulekelesha, efya sosa Lesa, Ine nkapongolola u Mupashi Wandi pa bantu bonse: abana benu abaume na bana benu abanakashi bali nokusesema: napali bacishiko Bandi nababomfi bandi abaume Ndi nokupongolola u Mupashi Wand; kabili bali nokusesema: Kabili Nkalangisha ifipesha mano mu myuulu pa muulu, kabili na pesamba lye sonde; imisasatu yamulilo, nafube fube, necushi: Kabili cili nokwisa fikilishiwa, ilyo bulya ubushiku ubukalamba kabili ubwabipisha ubwakwa Shikulu bukesa, ukutula uyo onse uuketa pe Shina lyakwa Shikulu akapusuka.” Mukutwalililapo nokutwalililapo aile, aleshimikila.

⁷⁶ Kabili lintu baumfwile ici, bakutike. Batile, “Lolesheni pali ulya muntu! Nikwisa uko afumishe aya amasambililo?” Bamo pali bena batile, “Alafilwa nokulemba ishina lyakwe.” Baibele yatila, “Ali umututu kabili umuntu uushasambilila. Lisukuulu nshi afumako? Tapali. Ukuba, nomba ici caishilebapo shani? Nomba ici caishile citika shani?” Balikutike, nokutula, “Ukuba, batile, uyu muntu icine cine aleambula Amalembo. Kabili tatwatala atumfwa icaifyo kunuma.” Mwamona?

⁷⁷ Atile, “Lapileni, onse pali imwe, nokubatishiwa mwi Shina lyakwa Yesu Kristu pakwelelwa kwa membu shenu, kabili muli nokupokelela Mupashi wa Mushilo. Pantu ubulayo bwenu, nakubana benu, nakuli abo abali ukutali, nabengi abo Shikulu Lesa ali nokwita.” Mu mashiwi yambi, “Aya amapalo ya manna ayaponene pano, nga fintu cacitike kuli manna kulya kunuma,

efyo cili nokuba kuli ino nkulo, inkulo iili nokukonkapo, inkulo iili nokukonkapo, ku Jeffersonville, Indiana, namonse mu ncende ishamutali isha mwisonde.”

⁷⁸ Kabili Mupashi wa Mushilo umu wine uyo uwaponene *lilya*, eulepona *nomba*; ifisabo fimo fine, icintu cimo cine, nabantu bamo bene. Mwamona ico Ndepilibula? Icapwililikafye!

⁷⁹ Moneni, “Ndi nokupela kuli ena; uyo uwacimfya, Ndi nokumupela u Mukate uwa Mweo.” Alandile ico kuli cimo ichalichi. “Kabili takakwate icilaka nakabili, nangula ukukwata insala nakabili. Takatale akwata icilaka nakabili.” Nga cakutilla umuntu pamuku umu (Mwaumfwa apa; akwata ikoti ilyaikatisha ilyaikata.), nga cakutilla umwaume nangu umwanakashi nga cakutilla ena pamuku umu apokelela Mupashi wa Mushilo, tekuti umuseshepo nakabili. Alishiba apo aba. Kuti mwaisa notuntu utunono utwa kucetekelamo ne fintu fyonse. Ali nokwendafye uwatambalala ukupita muli fyena. “Tekuti akwatefye icilaka nakabili.” Alishibafye bwino bwino Kabumba wakwe ifyo Aba; tekuti abe uwafulungana. Tamufwile ukumusakamika; endafye uwatwalililapo bwino.

⁸⁰ “Ndi nokupela kuli ena u Mukate wa Mweo, kabili takatale akwata insala nakabili, nangu ukukwata icilaka nakabili.” Mwamona? “Kabili i Cimuti icili pakati ka paradise yakwa Lesa, kabili akalyako, mwamona, i Cimuti.” Ico, i Cimuti cali ni Kristu Yesu. Mwamona? Kabili Kristu Yesu, uwali uwafwa abwelele mu mibele ya Mupashi wa Mushilo, eico efyo Ali, kabili manna iyo balya mu Chalichi.

Moneni, moneni, ukutilla, versi 6.

Kabili ali tulenga ukuba ba shimapepo kabili ishamfumu kuli Lesa. . .

⁸¹ “Bushimapepo bwa mupashi; uluko lwa bufumu; umusangulo wa bumupashi.” Cena ni cinshi nomba? “Amalambo ya bumupashi, ayo ayali,” ukulaambula Amalemba, “ayo e, ifisabo fyapa milomo yesu ukupela ukulumbanya kwi Shina Lyakwe.” Nomba, musango nshi uwa cinshi? “Ilambo lya bumupashi.”

⁸² Nomba, nomba ifwe kuti cawama twatampila pano pene; moneni, incende iisuma iyakutampilapo.

⁸³ Lintu icimfulunganya icinono caisa mu chalichi, imwe tamufwile ukubutukila ku lubali lumu nokutinta imilomo yenu nomba. Nga cakutilla iwe waba ifyo, iwe icine cine tauli shimapepo. Mwamona, iwe ufwile ukupepa. “Ilambo lya bumupashi, ifisabo fya milomo yesu ukupela ukulumbanya kwi Shina Lyakwe.” Mwamona ico Ndepilibula?

⁸⁴ “Ukuba,” iwe watilla, “Nshilecumfwa ukuya ku chalichi.” Lelo iwe uli shimapepo. Wena mulimo obe. Iwe ufwile waba kulya.

85 “Ukuba, Nshilecumfwafye ukukwatamo ulubali mukulongana.” Iwe uli shimapepo, “uulepanga ilambo, ilambo lya bumupashi.” Tekupela umuntu umo umulimo, nga fintu beta ileelo; ico cisuma, Nshikwete nangu cimo icabipa ukulola kuli ico. Tekusenda umuntu umo ukwisa ku chalichi; ico cisuma, Nshikwete nangu cimo icabipa ukulola kuli ico. Lelo, *niwe*, *niwe* ukupanga ilambo lya bumupashi, “ifisabo fya milomo *yobe* ukulumbanya i Shina Lyakwe.”

86 Lintu wamona inshita ileisa ukutila umuntu umo aleponta kabili nokulanda ifi ifintu, nokucita ifintu ifyalubana, cinshi ico ufwile ukucita, fumapo kabiye? Iwe ufwile ukwiminina palya nelambo lya bumupashi, uletila, “‘U Mulopa wakwa Yesu Kristu ulasamba ukufuma kulubembu lonse,’ nokumpanga ukuba icibumbwa cipya muli Kristu Yesu.”

“Iwe walipena, we muntu!”

87 “Umwabela ifyo ulanda. Ico cilifye icalungama. Lelo, kuli ine, ‘Yena maka yakwa Lesa ukulola kwi pusukilo.’ Nalicetekela Ico.” Mwamona?

88 Nomba, batila, “Wacetekela mu bundapishi bwa maka ayakwa Lesa?”

“Oh, uh, Nshishibe, cawama waipusha kakumba wesu.”

89 Cinshi ico *iwe* uletontokanya palwa ico? Iwe niwe shimapepo nomba. Iwe niwe we muntu. Watila, “Ee, mukwai. Nalicetekela Ico, pantu i Cebo cakwa Lesa Calanda ukutila caba ifyo.”

“Walicetekela mu lubatisho lwa Mupashi wa Mushilo?”

“Ee, mukwai.”

“Waishiba shani?”

“Nali Upokelela.” Icine cine apakalamba. Amapalo ya bumupashi! U Mupashi wa Mushilo uwaponene pa batumwa, Mupashi wa Mushilo umo wine alepona nanomba.

90 Mwatila, “Niku batumwa fye.” Twalaisa pwisha ico mukashita akanono, tumone nga cakutila cali nangu iyo.

91 Nacilungama, “Bushimapepo bwa bumupashi, ukulapela amalambo ya bumupashi.”

Nomba, nomba versi 8, nangu, 7.

Moneni, aleisa na makumbi; . . .

92 Nomba, lekeni njiminine apa pakashita akanono. “Amakumbi,” tacilepilibula ukutila Aleisa paca kubulukuta icikalamba nga Mayo, paleni umutima wakwe, naikala pano pa ncende imo.

93 Lintu Nali umulumendo umunono, aleikalako nokunjeba, aletila, “Aleisa. Ikumbi ilikalamba lili nokwima ubushiku bumo, kabili Lesa ali nokwisa.”

⁹⁴ Kabili, nomba, *ikumbi* ilyo Aleisamo (Nga cakutila twacikwatafye inshita iyakubula ifi ukufibweshwa kunuma, kabili nokusenda ulubali lwakutampilapo ulwa cintu conse icituntulu.), nomba, *ikumbi* ilyo Ali nokwisamo, lyena tekumbi kwati nge cibulukuto icikalamba, lelo, lyena “likumbi lya bukata,” ilyo Ali nokwisamo. Mwamona? Mwamona?

⁹⁵ Nomba, lintu Yesu akupilwe na Lesa, pa Lupili lwaku Pilibuka pilibuka, “amakumbi ya Mukupile ne cakufwala Cakwe.” Mwamona?

⁹⁶ Kabili lintu Eliya aishile, ikumbi lyaikile noku mupokelela ukuya mu muulu. Te—te Ntumba ya Mulilo, iyo. . . Ndepilibula, te cibulukuto, icikalamba, lelo, “ikumbi lya bukata.”

⁹⁷ Ukukalamba, Ukubapo kwakwe ukwabukata ukukalamba, kuli nokupuma pe sonde. “Ali nokwisa mu makumbi.” Oh, Nalitemwa ico. “Amakumbi,” kuli nokuba amabimbi ukukonkana na mabimbi, aya bukata Bwakwe, efili nokwisa pe sonde, kabili nokubuka ukwa bashila kuli nokwisa. Lintu ulya Mupashi wa Mushilo uwapalwa uwaiketele mu mitima yabo, kabili bafwile, nefitumbi fyabo nafilala palya, kabili namatoni yacibe yali palya pamasaya yabo, nefintu ifyaba ngefyo, kabili fyabikwa pano munshinshi. Amabimbi yalya aya Mupashi umowine, kabili na “whoossh,” wa mabimbi ukukonka amabimbi.

⁹⁸ “Ulya uwali uwakulekelesha akaba uwa kubalilapo, kabili nauya uwali uwa kubalilapo akaba uwakulekelesha.” Bushe kuti caba shani muli iyo inshila? Uyo emutande wakubuka kubafwa. Nshakeshibe uuli onse mu nkulo iili kuntanshi yandi, nangu inkulo iikakonkapo pali ine. Ine nkeshiba abamu nkulo *iyi*. Kabili inkulo yonse ili nokwisa iyalunduluka bwino, bwino bwino nga fintu yaile. “Abo abali abakulekelesha bakaba abakubalilapo.” Icine cine, cifwile caba ifyo. Mwamona? Nkeshiba abantu bandi. Naumbi umuntu uukakonkapo, taata wandi, ali nokwishiba abantu bakwe; wishikulu wakwe, abantu bakwe; ukuya panshi ngefyo.

⁹⁹ Amabimbi ukukonka amabimbi yanankwe, ukukonka amabimbi, ukukonka amabimbi, kabili nabashila bakalaima ukufuma ukuli konse. Bushe ico tacakabe icisuma? Ameni. Ico cikalenga abakalamba ukumfwa ukuba abaice nakabili. Ee. Nomba lolekesheni mupepi. Nacilungama.

. . . akesa mu—mu *makumbi*; kabili ne linso lyonse lika *mumona*, (Temulandu nobutali bwa nshita bafwililemo, bena baka Mumona.) kabili nabalya bonse abamulashile: kabili na bonse abekashi ba pesonde bakalosha pamulandu wakwe. Nangufye ifyo fine, Ameni.

¹⁰⁰ Yohane apundilefye, “Ameni.” Ico cili, “Cibe ifyo fine. Lekeni cibe ifyo fine.”

Nine Alifa kabili Omega, . . .

¹⁰¹ Nomba, *Alifa* e “A” mukukonkana kwa mashiwi mucu Greek. *Omega* ni “Z” mukukonkana kwa mashiwi mucu Greek. Nomba, mu mashiwi yambi, nga cakutila capilibilwe ileelo, “Naba A ukufika ku Z.” Nomba, ninani umbi uulipo palya? “Nine Uwakubalilapo; Nine Uwakulekelesha. Nafuma kuli A ukufika ku Z.”

¹⁰² Ndekabila nga twacikwata inshita ukwingilamo muli bu Shimapepo bwakwa Kristu, nomba line, ico icingaba icalungama nganshi pali iyi inshita, bu Shimapepo.

¹⁰³ Eico, ni nshiku lintu abantu abengi baleeshafye uku Mupanga kafundishafye, uwa manofye, nangu ukubafye kasesema. Aali ni Lesa. Aali fyonse fibili Lesa nangu kabepa umukalamba untu isonde talyatala alikwatapo. Nga cakutila Ali ni kasesema, umulopa wakwe wali wa muntu. Nga cakutila Ali ni—ni kafundisha, kasambilisha, umulopa wakwe wali uwa muntu.

¹⁰⁴ Ali ni Lesa, kabili u Mulopa Wakwe wali uwa maka ayakalamba ayabu Lesa. Lesa uwa Maka yonse akupile Maliya nacingungu nokupanga utwakulwisha utwa Mulopa mwifumo lyakwe ilyo ilyaletele u Mwana, Kristu Yesu. Kabili Lesa aikile nokwikala muli ulya umubili, Lesa (Emmanuele), apangilwe umubili pakati kesu; nokusenda imembu.

¹⁰⁵ Lintu Lesa apangile umuntu Wakwe uwakubalilapo, Amupangile mucipasho Cakwe Cine, uyo uwali muntu wa mupashi, mu Kutendeka 1:26. Nacilungama. Nomba takwali umuntu uwakulima umushili, panuma Apangile umuntu, umwaume no mwanakashi. Twalaingila muli ico, panuma ya kashita, pali shilya “intanda cine lubali.” Lelo fye. . . Lelo Amupangile fyonse fibili umwaume no mwanakashi, kulya ku kutendeka, ico nacilungama, “mucipasho Cakwe Cine.” Kabili Lesa Mupashi.

¹⁰⁶ Kabili nomba, Ukutendeka 2, takwali umuntu uwakulima umushili, eico Lesa amubikile mu mubili; apangile umuntu, te mucipasho Cakwe, lelo amufumishe mulukungu lwamu mushili (Ico nacilungama.), amupele ukuboko kwati ni kolwe, kabili nolukasa kwati ni cibuli, nangu conse ico cingaba; Nshishibe, lelo Amupele amano yasano ayakulanda nayo pa ng’anda yape sonde lyakwe. Kabili nomba ulya umuntu abembwiike.

¹⁰⁷ Kabili Lesa aikile nokupanga umuntu, ukusenda ulubembu lwa muntu (Ameni.), ukumulubula.

Nine Alifa kabili Omega, . . .

¹⁰⁸ Naloleshe pali Ena pano mu Kusokolola chapitala 4. Lintu Yohane apilibwike ukumona ili Shiwi nakabili, lilya ilyalelanda kuli ena, “Aikele pa Cipuna ca bufumu, kabili no mukolamfula wali pa mutwe Wakwe.” Kabili umukolamfula

wakwata amalangi cinelubali ayapwililika, kabili aya amalangi cinelubali ayapwililika yeminineko i Nkulo shama Chalichi Cine lubali. Ico nacilungama, nakabili. Kabili cali ni cinshi? Cili pano. Munyina, ici cipya. Lolesha, amalangi cinelubali ayapwililika, cine lubali, kabili umukolamfula cimininako icipangano.

¹⁰⁹ Lesa apele Noa umukolamfula, mukubalilapo, nge cipangano. Kabili nefyo ifintu ficili pe sonde, nga fintu Lesa alaile kunuma, kabili lintu yaloka, kabili Amona ubuta. Atile, “Nshakatale ngonaula na menshi nakabili.”

¹¹⁰ Kabili nomba aloleshe pali Yesu, alikwete amalangi aya mukolamfula cinelubali pa mulu Wakwe; Aali muli ici, ico cali cipangano cakwa Lesa. Kabili Ena aliminine mukati, Ifyakutekapo inyali Cinelubali ifya Golide. “Kabili Aali nokulolekeshapo nga yaspa ne libwe lya sarde.” Yaspa ali ni Reubeni, ne libwe lya sarde lyali ni Benjamini; ilya yali iya ntanshi kabili iyakulekelesha iya fikolwe. Ukutula “Alifa na Omega, Ukutendeka ne Mpela,” kabili imitundu cinelubali iya mukolamfula, Inkulo Sha Ma Chalichi Cinelubali, icipangano pamo Nankwe, mu Fyakutekapo inyali Cinelubali ifya Golide, ne ntanda cinelubali. Oh, we cikope we, nga twaisa kuli cena panuma yakashita, nalimo, Shikulu ngasuminisha. Cisuma.

. . . Alifa na Omega, ukutendeka ne mpela, efyu sosa Shikulu, uyo uuli, . . . uyo wali, kabili uyo uli nokwisa, uwa Maka yonse.

¹¹¹ Ooh! Ninani Uyo? Uko kusokolola kwa cinshi? Yesu Kristu. Kabili, apa, Ena te kasesema. Apa, Ena e wa Maka yonse, Lesa ukulangishiwa; Alifa, Omega. “Naba ukufuma ku A ukufikaku Z. Nine Uyo Uwalipo, Uyo Uulipo, kabili Uu Kesa. Nine uwa Maka yonse.” Cilfye icatambalala, bushe tacili? Takwabako nangu cimo icakukansana kulya. “Shikulu, Uyo Wali, Uyo Uulipo, kabili Uyo Uukesha, uwa Maka yonse.”

¹¹² Nomba Yohane alelanda. Umfweni.

Ine Yohane, munyinenwe kabili, ne nkumbu mukupakaswa, kabili mubufumu u kushipikisha kwakwa Yesu Kristu, nali mu cishi iciitwa Patmo, pa mulandu wa cebo cakwa Lesa, . . .

¹¹³ Mwatila, bushe kuti mwaelenganya umuntu ukubikwa muncende yafilya, palwa Cebo cakwa Lesa? Ee.

. . . pa mulandu wa cebo cakwa Lesa, kabili. . . ubunte bwakwa Yesu Kristu.

¹¹⁴ Alitamfiwe kunse kulya pa kushimikila i Cebo kubantu bakapepa. Ifyo efyo i Cebo cilanda. Bushe tefyo cili? Aali kunse kulya pamulandu wakushimikila; atamfiwe, ukumufumya kwisenge ukufuma muchalichi, ukufuma kukabungwe, ukufuma kwisonde lyonse. Ameni. Lelo ena tatamfiwe ukufuma kuli Uyo Uwa mutemenwe nokumusamba mu Mulopa Wakwe Umwine.

Aali no Kubapo Kwakwe, mu cishi icalaitwa Patmo, “pa mulandu wa Cebo cakwa Lesa.”

¹¹⁵ Ndeingililamo nibanga bakashimikila ileelo abengaya? Ukufika panshi mpaka bacitafye akantu akanono—akantu akanono, bafulwa, tulaba abapumfyanishiwa palwa ico. Kabili pano uyu mwaume alipikwe mumafuta pa ma ola amakumi yabili na yane, kabili nokuposwa pacishi ca Patmo, kabili Shikulu aali acili pamo nankwe.

¹¹⁶ Nalitemwafye lulya ulwimbo lwakale ulo baleimba, “Nga cakuti Yesu aya pamo na ine, Ndi nokuya ukuli konse.” Tulalwimba, lelo Ndasunguka nga cakuti mucine tulalupilibula. Kwi tontonkanyo lyandi ilya bufuma cumi, tacapose inshita itali mpaka kukabe ishuko ilya kucishininkisha, eico mufwile mwaba abashininkisha. Bebeta, pendulukamo, mona nga cakuti fyonse ifintu fili ifyalungama.

¹¹⁷ Nomba, nomba linefye, mfwile natampa apa nomba. Yohane aasuka, kabili atiile aali “mucishi ca Patmo, palwa Cebo cakwa Lesa, nobunte.”

Nali mu Mupashi . . . (Nalitemwa ico.)

Nali mu Mupashi pa bushiku bwakwa Shikulu, . . .

¹¹⁸ Ukulanda pa bushiku bumbi, nomba; kuli ba cibusa ba Adventisti, ico tuli abashininkisha ukwingila muli cena, panuma yakashita. Cisuma.

. . . mu Mupashi pa bushiku bwakwa Shikulu, aile mu Mupashi, kabili Na umfwile kunuma yandi ishiwi likalamba, . . . ilya ntandala,

¹¹⁹ Mwileka tushe ifi filangililo nomba. Tulepanga umufula nomba, e ico twalishiba ico tulelandapo ilyo Naisa kuno. Mwamona ifyo twalalandapo, “Ninani Uyo? Uyu Muntu wamusango nshi? Bushe Ukusokolola kwakwa Yesu Kristu ni cinshi? Ena ni Nani, nangu cibe fyo? Musango nshi Kwena kwaishile? Ni cinshi ico Cena cipilibula kuli ine?” Moneni nga cakutila Cena cilepilibula icintu icili conse kuli imwe, mwamona. “Moneni ico icacitike kulya, kuli ine.” Moneni.

Nali mu Mupashi . . .

¹²⁰ Te mulandu ifyo mwaba abamushilo, ifyo mwaba ababulesa, ifyo mwaba bukapyunga nangu membalafye, fyonse fintu mwaba, imwe tamwakatale fika ukuli konse na Lesa mpaka mwaingila mu Mupashi. Ico nacilungama. Nshilepilibula ukwingila mufyakumfwa umfwa. Ndepilibula ukwingila mu Mupashi. Mwamona? Mwamona? Mwamona, imwe mulengila mufya kumfwa umfwa, ukucita icintu icili conse. Lelo ilyo mwaingila mu Mupashi, mulamona ifintu. Ico nacilungama.

¹²¹ Nde ingililamo umukote Eliya, kasesema umukote, kwisamba kulya bulya bushiku ilyo—ilyo i . . . ilyo umwana wakwa Ahabu, bena, bapangile bucibusa nabashacetekela

bamo, kabili—kabili Yehoshafati aingile pamo nabo. Kabili baile muciswebebe panshiku cinelubali, kabili tabasendele akakubalanga intunga akali konse. Pa nshiku fye cinelubali, ishalinga ukubasakamana pa nshiku cinelubali; taipushiwe Shikulu; bafuminefye, nangu cingaba ifyo.

¹²² Bushe ico tacili fye nga abantu? “Oh, Nalamweba, ulya mulimo uusuma. Nalaleka fye *uku* ku chalichi nokuya kuli *cilya* cimo.” Nomba, mulingile ukwipusha Shikulu palwa ico, fwailisheni ifyo cena caba.

¹²³ Baile kunse kulya nokusanga ukutila baishile ponena mubwafya. Amenshi yalipwile. Ubo e bwaba ubwafya na machalichi ileelo, mulaya mulecita ifintu ifingi ifyo tamwipushapo Shikulu, kabili ifyakubomfya fileya filepwa. Mulesunguka umulandu tamulekwatila amapalo mwalekwata, kabili namaka yakwa Lesa ukubomba pakati kenu, limbi icileta ifyakubomfya caliputuka. Mwaishiba, ilyo mwafuma, amenshi . . .

¹²⁴ Ndengila muciswebebe inshita shimo, kulya ku Arizona. Kabili Ndamona ukutila cila cimpusa mulya muciswebebe cilaleta ubusanso; kuti cakukambatila. Inshita yonse washintilisha kuli cena, cili nokukukambatila. Pantu tacakwata amenshi ayalinga ayakucisunga, ifyakukambatila fimuninako ukuicingilila.

¹²⁵ Nga mwabwela kuno, nangu kulya ku Oregon nangu kuncende imo uko kwena kuloka inshita yonse, kabili cila cimo ica shena umusango umo wine uwafimpusa tacakwata icakukambatila pali shena. Mwamona, amenshi yalafisunga ifyanakilila.

¹²⁶ Kabili ubo e bwaba ubwafya nechalichi. Nga mwauma nokukonkontana, nefintu fyonse, mulatalalila nganshi kabili abafyakukonka kabili ababucaibela, tamupokelela amapalo aya bumupashi ayali yonse, nomba imitima yenu ileshishiwa nokwisulamo ifikansa necipyu, kabili, abantu bonse, “Oh, Nalamubwekeshamo. Nalamubwekeshamo namayo. Naleka ukuya kuchalichi.” Ibumba fye ilyafikambatila ifikala mu ciswebebe. Ico nacilungama. Ico mulekabila Menshi ya Mupashi wa Mushilo ayakale ukuloka pali imwe, ukunasha uyo umutima wakale uwamabwe. Ameni.

¹²⁷ Nshile—Nshile esha ukusekesha. Ndeesha ukuleta ici kuli imwe. Munyina, uli nokusanga ukutila, nga cakutila wasenda ululembo lwa ciswango, apo uli nokwiminina. Kabili iwe mucine cine taukwete amaka nesubilo ilyo wacita ico. Takwaba ukwelelwa kuli cena. Iwe tekuti ufume muli cena. Ico nacilungama. Iwe kuti wacicita kukukapa kwe linso lyobe, mupepi, mwamona, e ico beni abacenjela. Nomba ici cili apa. Cala mupela . . . Moneni, iciswebebe . . .

128 Natile, a—amenshi, ifyo ukutula amenshi yafisunga ifyanakilila. Ico eco tucita ileelo, ukwingila mu Mupashi. Yohane atile, “Nali mu Mupashi.”

129 Ilyo Eliya kunse kulya mu ciswebebe, baikile. Yehoshofati atile, “Natuleya kulya nokwipusha kasesema.” Bena baile kuntanshi yakwa kasesema.

130 Ukuba, nomba, aishileba nobukali bwabulungami. Aloleshe ulya mulumendo, nokutula, “Mulandu nshi tawilile kuli tulesa twabanoko? Mulandu nshi tamubwekele ku cenu, icikote, icatalala, ichalichi cafyakukonka? Mulandu nshi mwacishila kuli ine, ilyo mwaciba mubwafya?” Ico tacali icintu icisuma icakulanda, lelo ayo emashiwi akwete ayakubeba. “Mulandu nshi mwishile kuli ine? Mulandu nshi mushilile kuli lesa wakwa nyinenwe? Imwe bonse mwalikwata yalya amachalichi ayakalamba ayasuma, kabili nabonse balya bashimapepo abalishiwa bwino, kabili nafimbipo, kunuma uko. Bwelelenimo no kubepusha palwa cena. Mulandu nshi mwishila kuno kuli ine?” Whew. Owe. Ali ngo watumikwe, mucine nganshi, bushe teifyo? Atile, “Nga te Ine ukukwata umucinshi wakubapo kwa ulya umuntu wabulesa, Yehoshafati, Ine tekuti nkuloleshe nokukulolesha.” Oh, owe, we mibele ulya kasesema aishilebamo. Nomba ena ali muli ulyo musango uwa mibele.

131 Atile, “Ukuba, ndeteleni kemba.” Abantu bamo tabacetekela munyimbo muchalichi. Lelo atile, “Ndeteleni kemba.” Kabili ilyo kemba atampile ukulisha ulwimbo ulusuma ulwakale, *Mupepi, Lesa Wandi, Kuli Imwe*; conse ico mulefwaya ukucita, Nshishibe. Ilyo kemba atendeke ukupepa, Umupashi wakwa Lesa waishile pali kasesema. Kabili ilyo Mupashi waishile pali ena, aishile ingila mucimonwa; atendeke ukumona ifintu.

132 Mulingile ukukwata Umupashi wakwa Lesa. Nangu, mwatila, “Ndafilwa ukwiluka ifyo abantu balandila ukutula, ‘Ameni.’” Ingileni mu Mupashi umuku umo. Ico nacilungama.

133 Tekuti mone ifyo beminina pabwangalo bwamupila wakuteya nakamuti nokuyuma umo nomubiye panuma, nokupunda nokushinguluka, nokutinta ifisote nokutwalilila. Cimoneka kwati bushilu, kuli ine. “Ukuba,” mwatila, “tawaba cibusa musuma uwamupila wakuteya nakamuti.” Nalibafye . . .

134 Nga palwa iwe, ngo mwina Kristu? Cisuma. Ico nacilungama. Iwe ufwile ukwingila mu Mupashi waico.

135 Uyo e musango cabelamo ilyo mwaleya kukushana. Nshilecetekela kuti mwaya nomba. Mucine iyo. Lelo nga cakuti iwe—iwe waleya, bafwile balisha inyimbo shakutoloka, nokulisha ifilimba nokulisha ingoma, nokucita icintu conse icabapo icakulola kuli ico; kabili banamayo balebutuka, ababula ukufwala citika nefintu fyonse, no kushana mumuputule, ne fintu; ukwingila mumupashi wamasha. Ukuba, ico nacilungama, mulengila mumupashi uwa cena.

Cena mupashi wakwa ciwa. [Ulukuta lwatila, “Ameni.”—Kale.] Ndi uwansansa pantu mwatila, “Ameni,” pantu cena cishinka. Nalashininkisha cena na Baibele. Ico nacilungama. Cisuma.

¹³⁶ Mwatila, “Ukuba, Nshacetekela cena, munyina.” Ukuba, iwe, tacaba ifyo ulelanda, nangu ifyo Ndetontonkanya.

¹³⁷ Efyo i Cebo cakwa Lesa cilanda. Ico e cipwishishisha cena. Ico e Cebo icakulekelesha. Ee, mukwai. Atile, “Nga mwatemwa isonde, nangu ifintu fya mwisonde, ukutemwa kwa kwa Lesa takwaba muli imwe.” Ico nacilungama. Kabili muleibukisha ulyo munono, umwanakashi umukote asambilishe umwana wakwe umwanakashi ukushana amasha, ne fintu nga filya, kabili aile kulya nokushana kumfumu, nokufwaya umutwe wakwa Yohane Kabatisha; amakumi cinelubali aya bana bakwe bafwile nga bacilende kabili mukwipaiwa. Imwe kuti mwamona ifyo cena cicita nga filya.

¹³⁸ Nyina wakwa Mose aikele ku ng’anda, kabili nokumusunga, nokumusambilisha i Cebo cakwa Shikulu, mulemona icacitike kuli ena nabakwe. Ukupitila muli ena afumine... Abrahamu, nokutwalililapo, kabili ukuyafye pantanshi.

¹³⁹ Cisuma, cili fye kufyo mulefwaya ukucita. Imwe, muli cibumbwa ca kuisalila. Mubomba conse ico mulekabila ukubombelapo. Cisuma. Lesa abika kucinso camuntu, nge bala lya Edeni, i Cimuti ca Mweo nangu icimuti camfwa. Iwe ufwile wapanga ubusalo bobo. Mwamona? Conse ico umweo wenu usekelamo, ico eco muli nokulya. Moneni nomba. Kabili bena bali. . .

¹⁴⁰ Ndefwaya ukubelenga ici nakabili nomba. Ali mu Mupashi. Umupashi waishile pali ena. Atampile ukumona ifintu. Nomba moneni.

Nali mu Mupashi pa bushiku bwakwa Shikulu, kabili naumfwile. . .

Naingile mu Mupashi pa bushiku bwakwa Shikulu, kabili Ine naumfwile kunuma yandi ishiwi ilikalamba, . . . ilye penga, . . .

¹⁴¹ “Ipenga.” *Ipenga* “kubilisha.” Gabriele, pa Kwisa kwakwa Shikulu, akalisha ipenga lyakwa Lesa. Ili lyali li penga lyakwa Lesa ilyalelila. Mu mashiwi yambi, Ena alepekanya ukubilisha ubwikashi ubwa Muyayaya ubwa mwisonde. *Ipenga*, ni cinshi? “Ipekanyeni. Nalamipela u Kusokolola kwakwa Yesu Kristu, ukupela ku Chalichi. Nalalanda kuli imwe, ico icili nokuba ubwikashi ubwe sonde, kuli abo abapokelela nangu abo abakana.”

¹⁴² *Ipenga* lyakwa Lesa. “Kutikeni!” Umuntu onse, lintu ipenga lyalila, alabula ulupanga lwakwe nokwiminina pa ncende, uwakutika. Kwi penga!

143 Paulo atile, “Nga cakutila ipenga lyapela iciunda icishaishibikwa, ninani uuli nokuipekanya kubulwi?”

144 Iyo e nshila cabelamo ileelo. Oh, munyina, ilyo Nalolesha konse nokumona konse uku ukutalala, ukubafye, ama chalichi aya bucaibela, nefintu ifyaba ngefyo, “ukukwata imibele yabukapepa, kabili nokukana amaka yabuko,” kuti umuntu aipekanya shani palwakwe? Ukupela iciunda icishaishibikwa.

145 Watila, “Ukuba, nomba, Nalayampanya kuma chalichi. Nalaya nokwesha ba Methodisti, nangu ba Baptisti, nangu ba Lutherani, nangu ba Pentecosti. Nalacitapo icintu cimo. Nalapanga ukusela.” Oh, ico taacifwile ukuba ifyo.

146 “Kano umuntu afyalwa cipya cipya.” Nshilesakamana nga cakutila ni Methodisti, Baptisti, Pentecosti, nangu conse engaba, iwe ufwile wafyalwa cipya cipya; tauli nokwingila mu Bufumu. Ameni.

147 Lolesheni,

. . . ishiwi, . . . ilye penga,

Liletila kuli ine, Nine Alifa kabili Omega, . . .

148 Icintu icakubalilapo kunse. . . Alelangisha apa, “Naba, uwa Kubalilapo kabili uwa Kulekelesha.” Icintu cakubalilapo, lintu ipenga lyakwa Lesa lyalilile, apilibwike. Kabili Atile, “Nine Alifa kabili Omega. Nafuma ku A ukufika ku Z. Naba conse nomba. Iminina noku kutika kuli Ine, pakashita akanono.” Nacilungama.

. . . uwa kubalilapo kabili uwa kulekelesha: . . . Cinshi ico ulemona, lemba mwi buuku, (ico cili nili i Buuku tulebelenga) kabili ulitume mu . . .

149 Kwisa? Ukwakutuma icine cine. Nikwisa, ukubwekela ku nkulo? Iyo. “Ku chalichi.” Ku chalichi. Moneni.

. . . Ico wamona, lemba mwi buuku, kabili utume kuma chalichi cine libali ayo ayaba mu Asia; . . .

150 Ico, icali icipasho ca chalichi. Nomba, twalaingila muli ico, mu ma miniti ayanono, ukulangisha ifyo Icipangano ca Kale capashaniwe mu nkulo cinelubali. Inkulo cinelubali shatantikwa, nangu ama chalichi cinelubali yatantikwa muno mu Asia, ico Baibele isambilisha palwalala, ico cali cinshingwa, nangu icipasho ca Nkulo Sha Machalichi Cinelubali isho shali nokwisa. Kabili ku bwafwilisho bwakwa Lesa, kabili na Baibele, kuti cashininkisha ukutila cila nkulo ya chalichi yalifikile fye filya fine apo Yena yasosele ukutila ikacita, bwino bwino fye apo Baibele yalanda ukuti cena cikacita. Kabili ifwe tuli pa mpela ya nkulo ya chalichi iya kulekelesha.

151 Kabili ukubwelela mu Cipangano ca Kale, ukusenda iciloto cakwa Daniele, no kumulangisha icimonwa ica bufumu bwa Benafyalo, ifyo ukutila amwene icipasho ukwiminina; no

mutwe wa golide, icifuba ca silfere, na matanta ya mukuba, kabili amakasa namolu ayacela nebumba. Kabili ukulangisha ifyo cila bumo ubwa yalya mabufumu bwapyene bumo no bunankwe, filya fine fye umusango Baibele yalandilemo. Kabili, lolesheni, umutwe wa golide, Babyroni; Medes na Persia, aba Greeki; nobufumu bwaci Roma; kabili ubufumu bwaci Roma bwatobaikile mu ma bufumu ikumi, kukabanga naku Rome waku mboshi, kabili nafimbipo. Kabili mulya mukati, mwali icela ne bumba, kabili tafyalesankana pamo; ba Protestanti nabu Katolika pesamba lya butungulushi bwa Benafyalo bumo bwine. Kabili atile ukuti nangu ukwesha ukonaula amaka ya umo no munankwe, bena kuti baampana umo no munankwe, filya fine fye ifyo balecita ileelo, filya fine fye.

¹⁵² Kabili bulya ubufumu mu nshiku isha shilye mfumu. Lesa wa ku Muulu aputwile Ilibwe ukufuma ku lupili, ukwabula iminwe, uyo waumine ici cimpashanya mu makasa no kutobaula ama bufumu yonse aya Benafyalo. Kabili Ubufumu bwakwa Kristu bwatekele nokuteka, nokukula, kabili nokufimba pe sonde na bema na umuulu. Ubufumu bwa Benafyalo bwapwile kwati cintu capumwa, kwati cikapa pa cipulilo munshita ya lusuba. Ifyo caba icikope ico tuleikalamo. Ico cishinka.

¹⁵³ Kabili ileelo, mwamona ba Katolika naba Protestanti baleupana pakati ka umo nomunankwe, ukwesha ukonaula amaka; kusheni abana benu, mulingile ukulaya ukubakusha muli *iyi* nshila nangu *iyoyi* nshila. Twalaisa muli cena, panuma ya kashita, munshita shabushiku ishinono. Moneni ico, ifyo cena cili, kabili ifyo (cimbi) amaka aya cela yalikulilepo pali cimbi, yatobawile cena mutumpifya nokucisalila cena.

¹⁵⁴ Lelo Umwana wa mpaanga alishile no kwiminina. Kabili abantu ba mushilo muli bulya bushiku. . .

¹⁵⁵ Kabili ifyo ukutila yalya maka ya ci Roma yalipitile mu calo conse. Takwaba amaka yambi mwi sonde, kabili inshila fye imo iyo yena yengapitamo, kupitila muli bu Katolika, ichalichi ca Katolika, mucalo conse, ukulepukila mulya. Cena cintu cakusungusha, icikope icikalamba pano.

¹⁵⁶ Nomba, kuli imwe ba Protestanti, twalililenifye ukufwala insapato shenu, pantu, munyina, mulifye bwino nacena. Kabili kuti Nashininkisha cena ku Cebo cakwa Lesa, muli fye muli cena apakalamba fye nga—nga bonse abashala.

¹⁵⁷ Nomba, moneni nomba, “Uwa Kubalilapo kabili uwa Kulekelesha. Ico mulemona, lemba mwi Buuku.” Nomba, Atile kuli ena:

. . . lemba ici mwi buuku, kabili ucitume ku ma . . .
chalichi ayaba mu—mu Asia; ku Efese, na ku Sarde,
na . . . Pergamo, . . . na fimbipo, na Filadelfia, na . . .
Laodikea.

¹⁵⁸ Nomba twalaiminina palya, pakashita fye kamo nangu tubili, ukumona fye inshita iyo Nkwete, pantu Ndefwaya ukwisa kuli ili funde lya kulekelesha pano, pa Efese, no kilitintila ku Laodikea, kabili ukumona nga cakuti ifwe tatwaipashanyapo mu chalichi cimo cine, mwamona, moneni nga cakuti ifwe tatuleikala muli buno bushiku.

¹⁵⁹ Oh, i Chalichi cakwa Lesa wa mweo, imeni no kubalika. Lolesheni. Imwe tamwiluka. Ndekabila nga Nalikwete umusango umo uwakusungusha untu Ine ningamipela, munshila imo. Ndesubila u Mupashi wa Mushilo nga kuti waisa mu maka Yakwe ayakalamba no kumutwala ku ncende iyo mwingekatilamo iyi Baibele no kusosa, “Lekeni mone muli *Ici*,” ilyo mwamona:

Ifyalo filepatukana, Israeli alebuka,
Ifishibilo ifyo Baibele yalandile kabela;
Inshiku sha Benafyalo shakupenda, ne
fyakutinya ifingi;
“Bweleleni, O mwe basalangana, ku mwenu.”
(Ico nacilungama.)

Ubushiku bwakulubulwa nabupalama,
Imitima ya bantu ilefilwa ku mwenso;
Beni abaisushiwa na u Mupashi wakwa Lesa,
inyali shenu ishateyanishiwa kabili ishabuta,
Lolesheni mumulu! Ukulubulwa kwenu
nakupalama.

¹⁶⁰ Ico nacilungama. Oh, we bushiku. “Lemba, citume ku machalichi.”

¹⁶¹ Nomba, nga ifyo fye Israele aishilemo mubusuma bwakwe, kunuma mukutendeka pesamba lyakwa Abrahamu, ukwisa ukupita mu fikolwe. Kabili mu bushiku bwakwa Ahabu caile mu nkulo sha mfifi, inkulo iya fitisha iyo ichalichi camwene. Aile ukufuma mulya . . . Kabili muli ilya nshita, ifyo ulya Ahabu aupile Yesebele, aletele imipepele ya tulubi mu chalichi ca orthodox.

¹⁶² Icintu cimo cine, ukuti, bu Protestanti bwaupilwe ku bwina Roma mu myaka ikana limo ne myanda isano iya nkulo sha mfifi, mu Chalichi ca Pergamo, kabili bafuminemo nokupepa utulubi, pesamba lya mibele ya bwina Kristu, ukuya mulya mu nkulo iya cifulefule iyo ileisa kuntanshi yesu. Kabili tuli muli cena ino ine nshita. Tuli mu nkulo ya cifulefule.

¹⁶³ Imwe tamulecetekela cena? Nomba Nalaikala panshi pali i . . . imwe mwe bantu mukati ka machalichi yambi. Imwe muli mu nkulo ya cifulefule. Kabili bakasabankanya ba mbila nsuma baleciluka isonde, ukushinguluka isonde, ukushimikila ifintu nga filya; imwe tamuleya nangu kumo. Mulebilikisha . . . Imwe ba Baptisti mulebilikisha, “Millioni umo na bambi mu ’44.” Ni cinshi ico mukwete ilyo mwayakwata? Bakwetefye ibumba

lya babembu ilyaishilemo, namashina yabo mwi buuku (Ico nacilungama.), baletila baba ku chalichi ca Baptisti. Teicofye ceka, lelo bambi, ba Methodisti, ba Campbell, kabili ne bumba lyonse, abamibelefye kabili aba fikansa. Billy Graham alikwete ico, “Amakana amakumi yatatu abacinjishiwe,” atile, “mu milungu mutanda . . .” Kabili imilungu mutanda panuma afililwe ukusanga amakumi yatatu. Mulandu nshi? Mulandu nshi? Bena tabatalile kwata nangu cimo, mukubalilapo. Ibumba fye ilya babembu, ilyo babika ishina lyabo pe buuku, pesamba lya kupuputulwa.

¹⁶⁴ Atile, “U Bufumu bwa mu Muulu bwaba ngefyo umo aposela isumbu, bema. Ilyo ena aletele, ena alikwete ifintu fyonse.” Ena akwete bafulwe. Ena akwete inga'nse. Ena akwete bafulwe ba mu menshi. Ena alikwete batandabube. Ena alikwete ifishishi fya mu menshi. Ena alikwete insoka. Ico nacilungama. Lelo mulya, ena alikwete isabi, pamo.

¹⁶⁵ Kabili ilyo umuntu ashimikila ukupuputulwa mu maka ne filangisho ifya Mupashi wa Mushilo, isumbu liletwa pa bantu. Ico nacilungama. Lelo ena nga cishishi mukabalilapo, ena cishishi pakupwa kwa kupuputulwa.

¹⁶⁶ Ena nga ni tandabube wamumenshi, icintu cakubalilapo muli nokwishiba, akaya aleshinguluka alefwailisha, aletila, “Nshatekela muli ifi fintu fyakale nangu cibe ifyo,” nokutoloka ukubwelela mu menshi.

¹⁶⁷ Nga ninsoka, ena kuti atila, “Nacikweba palwa ico,” kabili ena ali nokuya. Ena ali ninsoka mukubalilapo, imibele yakwe yali. Kabili ena tali nokuba icintu cimbi mpaka cilya icifyalilwa cacinja.

¹⁶⁸ Umuntu tekuti ayampanye ku chalichi, nangu ukukwata ifya kumfwa umfwa ifyabombelwapo, nangu icintu cimbi, kabili ukuba umwina Kristu. Cena cilingile ukuba ukufyalwa ukutuntulu ukwa Mupashi; ubufumacumi, ukufwa, ukubilikisha, ukulambalala palya mpaka ena afwa imiku ibili. Ibukisheni, ubumi kuti bwafuma fye mu mfwa.

¹⁶⁹ Uluseke lwetaba, nga lwaikala, lwikala lweka, talwakatale pilibula ukucila pali lulya uluseke lumo ulwetaba. “Kano fye uluseke lwa ngano lwaponena mwisonde, lwikala lweka.” Lelo ilyo lwaponena palya, lulabola, ukukowela, kabili ukufuma pakati ka kulya ukukoweshiwa emufuma akabulungwa ka mweo akapela umweo nokuletelapo nafimbi.

¹⁷⁰ Kano ichalichi cafyalwa cipya cipya, ukufwa ku fisumino fyaciko na masambilisho ya fyamapepo, kabili na fimbipo, kabili nokufyalwa cipya cipya ku Mupashi wakwa Lesa, cena cikaba icakale, icatalala, ica ampanishiwa, icakowela, icabucaibela. Ameni. Ico nacilungama. Uko kwanshita yakale, ukushimikila ukwauma, lelo kuli nokukupususha, munyina. Ico nacilungama. Kuli nokukusunga ilyo ifimyela filepupa mu maka.

Ube uwalimbwa kabili uwashikimana. Ube uwafumishiwako ifiko fyonse ilyo taulatila konkili yobe; moneni, ico nacilungama, nenanga ikunkulukila pesamba mubusuma kabili iyakosa. Oh, munyina, ifyo bwaba ubushiku ubo tuleikalamo; iya ampanishiwa, inkulo ya chalichi iya bucaibela! Ee, mukwai.

“Kuma chalichi cinelubali,” atile, “tumeni iyi mbila.”

¹⁷¹ Nomba, muli ilya nkulo ya chalichi, batampile ukwisamo; baingile mukupepa utulubi. Balcita icintu cimo cine nomba; balisamo, ukucita icintu cimo cine. Kabili ukufuma muli cilya, mwaishile ubwina Kristu bwa ampanishiwa, catampile ukushilila mpaka twaisa tulefika kwisamba ku nkulo ya chalichi iyakulekelesha.

¹⁷² Nomba, ichalichi ca nshita ipya, ico twita “icilonganino.” Ifwe fwe bantu ba holiness, namwishiba, tubeta, “aba nshita iipya,” kabili balaya kunse kulya kabili balatendeka mukupuputulwa kwabo, pamo. Mwatila, “Bena tabaleya ukuli konse.”

¹⁷³ Lelo nomba loleleni fye pali miniti. Ni cinshi ico tukwete? Tatukwete nangu cimo, ukucila pafyo bakwata. Ico nacilungama bwino bwinofye. Ilyo lyonse tuletalikishanya no kufulunganishiwa no kucita fimo pakati ka umo no munankwe, ifwe nalyo line twenda nga abantu; mpaka umuntu kuti aisa pa cipailo no kuba uwalungama na Lesa, mpaka ena asula utuntu utunono nokutwalilila nga ifyo umwina Kristu alingile ukucita. Impoto tekuti ite iketulo ukufita. Nacilungama. Mwilabilikisha kuli bena. Natuwamye intampulo shesu fwebene mukubalilapo.

¹⁷⁴ Tubeleleniko uluse, mwebeni, Ndepela ichalichi ukulopola ukunono ukwa Mbila nsuma nomba. Moneni, cilya cishinka. Cena ni filya fine ifyo mulekabila.

¹⁷⁵ “Oh,” mwatila, “natu Cikwata.” Nokuya pamulu palya nokulisha icinanda mumaka ukufika apo cingapela, nomwina wa ngoma, kabili ukubutauka pamulu na panshi pa mushili, nokuya kunse kabili ukutalikishanya na umwina mupalamano wenu. Bushe na mukwata icintu icili conse? Uh-huh. Iyo, mukwai. Icintu fye cimo ico twakwata caba ica cifulefule. Ilyo lyonse ulwimbo luleya, tuleya. Ilyo ulwimbo lwaleka, tulaleka. Munyina, taufwile ukwita umuntu umbi icintu cimo; leka tuloleshe ukushinguluka pa ciibi cobe, mukubalilapo. Ameni.

¹⁷⁶ Ndemweba, tulekabila ukupuputulwa ukwa nshita ya kale nga ifyo twalekwata mu calo, ilyo balelambalala pa finso fyabo inshita yonse iya bushiku. Tekutwalililapo, lelo ilyo ubulanda bwa cine ubwa bulesa; kabili ukukana bwelela pacipailo nokwikala, lelo ukuya kulya no kucilungamika na bena mupalamano abo bacitile icilubo pamo nabo, kabili ukulungamikwa. Namwishiba ukuti ico nacilunhgama. Ukukalipwa, lelo, munyina, cili no kukwafwilisha. Ico

nacilunghama. Iwe ulingile ukwishiba cilya, we munandi. Ee, mukwai.

¹⁷⁷ Ica cifulefule, uyo mubele wabipa ku chalichi ukubamo. Imwe ta mulelolekesha, Branham Tabernacle ili muli ulya wine musango. Umfweni, mwalishiba ifi fintu. Cena calisambilishiwa, umwaka no mwaka, panuma ya mwaka, panuma ya mwaka, kuno kucintamba, ukumisoka palwa ifi fintu ukwisa. Ilyo, Baibele ilanda ukutila kukaba inshita ilyo bakaya ukufuma ku kabanga ukuya ku mboshi, kabili akapinda ka kukulyo nakumasamba, ukwesa ukusanga i Cebo cakwa Lesa ica cine, na ukufilwa ukucisanga Cena. Mulingile ukukobwa, apo mwishibe ukuti epo mwiminine.

¹⁷⁸ Lelo ilyo umuntu inshita imo afyalwa cipya cipya; tekuba uwanashiwa na ifyakumfwa umfwa, te nsansa shimo, te pa kubika ishina lyakwe mwi buuku lya chalichi, te kuilunda ku chalichi icikalamba mumusumba. Lelo ilyo ena mucine cine ilyo abilikisha, nokulomba, ne filamba mu menso yakwe, mpaka Lesa aelega imembu shakwe, awamyia umweo wakwe ukufuma kumweo wa lubembu, kabili amwisusha na u Mupashi wa Mushilo; necitemwiko ca musango ngoyo, na bulesa, mpaka ena abwekeshamo filya ifibombelo fyamipeto ifyakale, ifyo ena aibile ukufuma ku bena mupalamano, kabili aya nokulungika pali ifi fintu, nokwikala uwa bulesa ku cinso ca bantu. Tatwakatale kwata ukupuputulwa muli cino calo mpaka twakwata ico.

¹⁷⁹ Ubupingushi butendekela pa ng'anda yakwa Lesa, ku Cebo cakwa Lesa. Ameni. Te buuku lya kusambililamo, lelo Baibele. Tefyo cimo ichalichi cifundisha mu masambililo yamipepele yabo, lelo ifyo Lesa alanda. Lyena mukakwata ukupuputulwa uko amaka ayakalamba, na ifipapwa, na ifishibilo, na ifipeshamano, na ifintu fyonse ifyashala, fikacitika.

¹⁸⁰ Tuli ba cifulefule. Pantu tuli aba cifulefule muli ino nkulo, Lesa atile, "Nalamufwisa mukanwa Kandi." Iyi nkulo ya chalichi ikakanwa. Kukabako abakashalako ukufuma muli yena, abo abakapusuka. Eico cawama waimonapo wemwine, bwino bwino, ukusanga nga uli muli balya abashalapo nomba. Twalaisa muli cena muli miniti, nga Lesa asuminisha. Moneni fye nomba.

Kabili Napilibukile ku kumona ishiwi ilyalelanda kuli ine. Kabili pakupilibuka, (Moneni.) Na mwene ifya kutekapo inyali cinelubali ifya golide; . . .

¹⁸¹ Nangu, "ifyakutekapo ama lampi," aba Greeki efyo basosa. Nomba, kulya e kwilula ukwa ntanshi, pantu tabakwete inyali kabili i . . . Bakwete akakutekapo ilampi akanono. Nomba, ifya Kutekapo Inyali ifya Golide Cinelubali, efyo tufita.

¹⁸² Nomba, mu ncende ya mushilo, umo umukate; kabili mwe bengi imwe ba shimapepo muleiluka, na cilya. Kabili imwe

mwe bantu pano pehema, ukusambilishiwa na kasambilisha umusuma pano, imwe—imwe mwalishiba ifi fintu.

¹⁸³ Ifya Kutekapo Inyali Ifya Golide Cinelubali, fyali... fyalikwete ama lampi yanono pa mulu wa fyena, yalya amafuta ayaocewa. Mulya muli Sekaria, uko amwene icimonwa, Ndecetekela eflyo cali, kabili alimwene icimuti ca muolife camumpanga ne cimuti ca miolife icamumushi; umu Yuda no Mwinafyalo, kunuma nganshi ilyo takulaba inshita ya Mwinafyalo. Bena balikwete ififukilisho fya golide, kabili fyonse ifi fibili ififukilisho fya golide fyapitile muli ici cimo icakutentekapo inyali apa icalepela amafuta kunyali shonse. Kabili afililwe ukwiluka ifyo ifi fintu fyali; icimuti ca muolife wamumpanga kabili ne cimuti ca miolife wamumushi. Kabili icimuti ca muolife wamumushi, mucine, waliputwilweko, kabili icimuti ca muolife wamumpanga walipampamikwe muli cena.

¹⁸⁴ Kabili yalya amafuta ku nyali, *amafuta* yemininako “Mupashi wa Mushilo,” lyonse. Tuli nokwisa muli ico, pakulembwa kwa bantu, pali Cisano ubushiku. Moneni, lelo aya mafuta yemininako Mupashi wa Mushilo. Uyo e mulandu wine tusubila abalwele namafuta, nipamulandu wakutila cimininako Mupashi wa Mushilo.

¹⁸⁵ Baibele itila, mu Kusokolola chapitala 6, ilyo icinkunka capitilemo, atile, “Umulingo wangano pali kobili umo, nemilingo ibili iya ngano pali kobili imo; lelo mwicena umwangashi Wandi na mafuta Yandi.” Nalekabila ukuti twingasenda Ubusokololo ukutwalilila, pamilungu inono, nokwingila muli ico, ifyo ulyo mwangashi na mafuta fili. “Moneni ukutila tamucenene umwangashi Wandi na mafuta Yandi. Mwiesha ukwisa mupepi na cena.” Amenii.

¹⁸⁶ Nomba, moneni ifi ifyakutepapo inyali ifya golide. Aya amafuta yalipongolwele muli ifi ifyakutepapo inyali. Nomba, amafuta e yalya ayabikilwe munyali, kukupya. Nomba, Aaroni aali...Cena cali mulimo wakwe ukwasha ishi inyali. Kabili ishi inyali shali nokwaka. Shikatilile nomba. Lolesheni. Ikaleni tondolo, nokumfwa. Ishi inyali shalingile ukwashiwa nomulilo uo Lesa aashishe. Abana baume bakwa Aaroni baile mukati nomulilo umbi uweni, kabili Lesa alibeipeye pa mwinshi; ico nacilungama, umulilo uweni. Umulilo uo Lesa atendeke!

¹⁸⁷ Kabili moneni, nomba, ifyakutepapo inyali fyantanteme mucashinguluka citika. *Apa* pali icakutepapo inyali cimo, fibili, fitatu, fine (ukuya pa mulu), fisano, mutanda, cinelubali, nga *ifi*. Nomba, ifyo ifyakutepapo inyali ifya golide apa, nga fintu ena alalanda mumamineti ayanono.

¹⁸⁸ Natubelenge pantanshiko panono, nalimo twalacumfwa. Kabili umfweni ifyo alandile nomba. Cisuma. “Kabili umutwe Wakwe...” Ndecetekela ninja kuntanshi ya vesi ya 12 mulya, “Ifyakutepapo Inyali Cinelubali ifya Golide.” vesi ya 13:

Kabili pakati ka fya kutekapo inyali ifya golide cinelubali pali umo uwapala...Umwana wa muntu, nafwala umwingila uwafika napamakasa, Kabili afimbile icifuba cakwe necisalu ca golide.

Umutwe wakwe wali nga—nga... imishishi yakwe yali iya buta nga masako ya mpaanga,... isha buta nge mfula ya buta; kabili amenso yakwe yali... imingu sha mulilo;...

¹⁸⁹ Nomba, lekeni twiminine apo pali miniti fye, pantu tekuti tushe cilya icikope palya ngefyo. Lolesheni pali ifi ifyakutekapo inyali ifiminine apa nomba. Ukuba, filya ifyakutekapo inyali, ngefyo twalasanga pantanshiko panono, cileimininako Inkulo Sha Ma Chalichi Cinelubali. Shileimininako Efese, Pergamo, kabili ukuya fye ku Filadelfia, kabili ukuya fye ku Laodikea; Inkulo Sha Ma Chalichi Cinelubali.

¹⁹⁰ Kabili na cila kamo pali utu twakutekapo inyali utunono pali akape akanono akamafuta akaikela palya, kabili aya amafuta yalipile pali iyi inyali. Nomba lintu inyali imo ya ashiwe nomulilo wakwa Lesa, babulile ilya inyali nokwambusha imbi, nomba nokuibika panshi; kabili nokwambusha imbi; kabili imo ya ambwishe imo imbi, ukufuma kuli imbi imo, ukufuma kuli imbi imo, mpaka inyali yakulekelesha. Moneni, amafuta yamo yene.

¹⁹¹ Nomba, ishi Nkulo Sha Ma Chalichi Cinelubali, shatendeke na Efese, na Tuatira, Pergamo, kabili ukutwalilila. Kabili Mupashi wa Mushilo, ico icaba Amafuta yakwa Lesa, aponene pa chalichi pakutendeka, mu Efeso, i Chalichi ca bena Efeso, ico icali ichalichi cakusenamina. Imwe ba Baptisti mufwile ukubilikisha “ameni” palya. Elyo kabili pa lukuta lwa kusenamina, ulu mu Efese, kabili inkalata iya Bena Efese iletutantika, ifyo ifwe twali ilyo mufula we sonde taulalengwa. Wena waponene palya, kabili bena bapokelele Mupashi wa Mushilo.

¹⁹² Lelo loleleni pali miniti, munyinane wa ku Baptisti, musango nshi bena bapokelele Cena? Musango nshi bena ba Upokelele? Pa kuilunda ku lukuta? Tabatala. Bena bacikwata Cena ku lubatisho lwa Mupashi wa Mushilo. Mwatila, “Ee, Munyina Branham, ico nacilungama.” Cinshi icacitike kuli imwe ilyo Wena wawile pali imwe?

¹⁹³ Moneni, Umulilo umo wine uyo waocele amafuta kulya, mu Efese, walipile mu Tuatira; u Mulilo umo wine waocele kulya, walipile wena mu Pergamo; waocele ukuya panshi, ku Nkulo ya Chalichi ca Laodekeya. Umupashi wa Mushilo umo wine, ukwambwilwa kuli Lesa umo wine, ku Mulilo umo wine. Kabili i Mulilo ulya uwaponene pa Pentecosti aambwishe kandulo, i Chalichi, ukupita munkulo yonse, ukuyafye panshi nomba.

¹⁹⁴ Lelo ubwafya bwa cena ni ubu, ifwe ba Baptisti, ifwe ba Methodist, tuli kunuma *kuno*, ukwasha ukupanga cimo icintu ca lyashi lyakale, kabili apa epaleya i Chalichi pesamba *apa*. Ico nacilungama. Kulya eko tushele kunuma. Chalichi conse, ilyo catendeke, takwali . . .

¹⁹⁵ Moneni kuli Luther, mukulungamika kwa ntanshi. Ifyo kwaba ukupuputulwa, Luther. Lolesheni, Ninkwata ibuuku lyakwe ilya masambililo ku ng'anda. Ifyo ulya muntu asunkenye pesamba lya maka yakwa Lesa! Ifyo aceteketele mubundapishi bwa maka yakwa Lesa, asumine Cena umwine; aceteketele mu maka yakwa Lesa, icakutila, mpaka ena alandile mu ndimi, Martin Luther. Ico nacilungama nganshi. Martin Luther alandile mu ndimi.

¹⁹⁶ Kabili nomba inshita imbi yalikile, John Wesley. John Wesley acitile icintu cimo cine. Ilyo aleshimikila, atile, “Bushe mashiwi nshi aya Ndelanda, ayashishibikwe kuli ine?” Ico nacilungama, ukulandila mu ndimi; ukucetekela mukundapwa kwa Bulesa. Kabili ilyo aishile ku America, ama chalichi kuno yali musungile nga filya bacita kuli bakakunkuluka wa mushilo ilelo, bamufumishe kunse, kumachalichi. Kabili bashimikile i Mbila nsuma kunse kulya, no kuwila mwisamba yamaka yakwa Lesa, mpaka balele panshi, inshita yonse iyabushiku panshita.

¹⁹⁷ Kabili ibuuku lyakwa John Wesley umwine ilya masambililo, ilyo Nafikile ku ng'anda nomba, uko ena aninine pali kabalwe ubushiku bumo, ukupepela umwanakashi uyo walwele, kabili kabalwe aliwile no koniufuna ukulu. Kabili afumine pali kabalwe, no kufumyapo ibotolo lya mafuta no kusuba kabalwe na mafuta, kabili aninine pali ena nokuya. Umulilo umo wine uulepya kulya.

¹⁹⁸ Lelo imwe mwalikwata ico kumibele ya ntambi sha cintu cimo, kabili na Mupashi wa Mushilo aleenda. Nacilungama. Ico nacilungama.

¹⁹⁹ Kabili muchalichi ca Methodist, “Balikwata icintu cimo icalubana na bena,” i- . . . ibuuku lyabo lyatile, “balikwata ukutoloka.” Kabili bena kuti batendeka ukwenda, kabili bena kuti baima nokutoloka, nokucita nga *ifyo*, mu kulongana kwabo ukwa matenti ne fintu, ba Methodist. Mulandu nshi, munyina, nga cakutila John Wesley kuti aima pa ncende, ena kuti aba ne nsoni pali imwe, ena kuti amikana; kano fye nga kuma ne Mbila nsuma isuma ne Mbila nsuma iyo ashimikile.

²⁰⁰ Naiminine tekale sana, pa mfuba, apo bakakwilile imbwa, bulya bushiku ilyo ena aleshimikila u—ukufyalwa cipy, kabili na fimbipo, kabili cilya. Na icalichi capamulu icamu England camusakishe imbwa. Kabili atile, “Akasuba takakawe pa mutwe wenu imiku itatu, mpaka mukanjite uku mupepelako.” Kabili alicitile; no kufwa. Ico nacilungama. Mucine.

201 Ico eco tulekabila ileelo. Tulekabila ulya musango wa Methodist. Tulekabila umbi Kabatisha nga John Smith, uyo waikela mumuputule nokulilila kuli Lesa, kabili apepele ubushiku bonse, munshila imo, mpaka amenso yakwe yalifimbile icabipa nganshi, mulucelo, umukashi wakwe alemutungululafye kwitebulo, ukuti alye.

202 Oh, nicinshi ico tucita ileelo? Twiminina pacifutu, nomushanga mukanwa kesu; kabili dikoni muchalichi, nokuya kulya nokuba mufisela; ukuya kubunkolanya, nokutamba icitunshi tunshi inshita yonse iyabushiku; kabili talukeni ukufuma ku chalichi; ukupeepa, ukunwa, ukuteya injuka, ukubutukila kukucimfyanya kwapali bakabalwe, nokulaita palwesu ba Baptisti. Fyonse ifyabola!

203 Ico tulekabila ileelo micitile yakale naimbi, iyatumwa na Lesa, ukupuputulwa kwa Mupashi wa Mushilo. Ameni. Nshilepilibula...Ine nshileesha ukumilenga ukusansamuka. Ninjishiba ukutila tamusansamwike, lelo, munyina, ico cishinka. Ukwesha ukuleta icikomo kuli imwe. Cena cishinka. E cintu tulekabila. Cisuma.

204 Nomba, iyo ni Baibele. Ifyo eflyo Mupashi ulanda, mwamona. "Ifya kutekapo inyali." Cisuma. Nomba vesi ya 13.

Kabili pakati kafyakutekapo inyali ifya golide cine lubali umo kwati...Mwana wa muntu,...

205 Cinshi? Umo nga Ena. Nani uyu? Nabwinga Wakwe. Umo nga Ena. Moneni ifyo cena cali.

...nafwala umwingila ukufika pamakasa,...

206 Umushilo wakwa Yesu Kristu na Umufimba. "Nautusamba ukufuma ku membu shesu no Mulopa Wakwe Wine." Cisuma.

...naufimba pacifuba (te mwaume; umwanakashi) necakuipomba ica golide. (I Mbila nsuma iyaikatilile amaka nobukata bwakwa Lesa pa Mubili wakwa Kristu.)

207 Oh, ifyo caba icikope icisuma ico tukwete pano ukutontonkanya. Lolesheni kuno.

...panshi ukufika palukasa, nokuifimba pacifuba, necisalu cagolide.

Umutwe wakwe ne mishishi shakwe shali isha buta nga masako ya mpaanga, ...isha buta nge mfula ya buta (ubulungami, umushilo; ukulanda pali); na menso yakwe...ngo lubingu lwa mulilo; (Ulemoneka ukupita muli cena.)

208 Mwilaesha ukufisama kuli Ena. Alishiba ifyo imwe mwaba, uko imwe mwaba, kabili nefyo mwacita. Ee, mukwai. Alamona ifintu fyonse. O mwe Lesa...

209 Tukwetefye ama mineti ayanono nga cakutilla Nafika kuli iyi nkulo ya chalichi cimbi, nga cakutilla kuti twacita ico. Moneni.

Na makasa yakwe yali ngo...mukuba uwa bengeshima,...

210 *Umukuba* lyonse waba “ubupingushi,” namwishiba; icipailo ca mukuba, kabili insoka ya mukuba, kabili na fimbipo. Umukuba ulanda pa bupingushi. Amakasa yakwe, lyena, Chalichi cakwa Yesu Kristu cabikwa pa bupingushi bwa Bulesa. Kristu ukufwa mucifulo cesu, Umulungami Umo ukulipila ubupingushi bwesu kumulu kulya, pa...ku cinso cakwa Lesa, nokufwa palya ngo mubembu pa lupanda, kabili umweo Wakwe waile kumbo. Kabili Lesa, talefwaya Uwa mushilo Wakwe ukumona ububole, amubushishe Ena pa bushiku bwalenga butatu, ku kulungamikwa kwesu; Uyo wikele ku kuboko Kwakwe ukwa kulyo nomba, Shimapepo Mukalamba kuti akumishiwa ne myumfwile yamafya yesu yonse; uyo akabwela mu musango umo wine nga fintu Aile mu Muulu, ukupokelela i Chalichi icabukata ico icaiteyanya Icine pa lwaciko, icasambwa no Mulopa kabili ica bubili. We—we cimonwa we. Ameni. Cisuma. “Ngo mukuba uwabengeshima,” nangu, nomba moneni, “kabili Ayakwe...kabili...”

Kabili amakasa yakwe yali kwati...mukuba uwabengeshima, kwati ya lyocewe mwilungu lyan mulilo; (Ico kutilla ifiko fyonse fyalifumishiwmo.) kabili ishiwi lyakwe...i shiwi lya menshi ayengi.

211 Moneni, cena Chalichi ukulanda kuli Ena nomba, *amenshi*. Ukusokolola 17:15, yatiila, “Amenshi yapilibula ukutikama kabili na bantu abengi.” Nomba, “ishwi Lyakwe,” nangu uyu Ukuba ulya uwaiminine palya uwalemoneka ngefi, Kristu mu Chalichi Cakwe, nga Nabwinga na Kristu ukuba Umo, ngo mulume no mukashi baba umo; i Chalichi na Kristu ukuba abapangwa capamo no Muntu umo wine, u Mupashi wa Mushilo umo wine.

212 Kabili ifintu ifyo Kristu acitile, i Chalichi naco cilacita. Bushe mwacimona? Cilya Chalichi icsuma kulya mumushilo, mumaka, mumaka, nokumona ifimonwa, ifishibilo, ifipapwa. Ifintu fyonse nga fintu Acitile, ici cili pano pesonde; ukupela amalumbo yonse kuli Lesa, ukutilla, “Ine tekuti ncite nangu cimo kano Taata anangisha Ine; lelo Anangishe Ine, kabili apa epo cena cili.” Kabili twaisa, mwamona, ifi fintu filacitika.

213 Nomba, Kristu, ukupangwa muli Umo.

...ne shiwi...lya menshi ayengi...

Abantu abengi, teumo fye; cali Chalichi conse, ama Chalichi Cine lubali yaishile pamo nokupanga umo uwalubulwa u Mubili wakwa Shikulu. Ba Methodisti, ba Baptisti, ba Presbyteriani, bonse abo abafyalwa cipya cipya na Mupashi wa Mushilo, balelanda namaka yakwa Lesa, ulya e Mubili. Ulya e Mubili.

Kabili alikwete munsambu shakwe . . .

214 “Cisuma.” Ifintu fyonse muli Baibele fyalikwata ubupilibulo kuli yena, mwamona.

. . . mukuboko kwakwe ukwa kulyo intanda cinelubali (nomba Ena—Ena ni Mfumu): na mukanwa kakwe mwafumine ulupanga ulwatwila kubili kubili: necinso cakwe cali kwati kasuba kalebalika mumaka yakako.

215 Nomba, “Ukufuma mukanwa Kakwe mwafumine ulupanga ulwatwila kubili kubili,” ukufuma mukanwa ka Ici iciminine kulya, Kristu ne Chalichi nga umo.

216 “Mukuboko Kwakwe Aikete intanda cine lubali.” Kabili mwalamona muma miniti ayanono; Ndefwaya ukwisa kuli yena, lekeni Baibele ilandefye ifyo cena cali. Cali ni bakapyunga cinelubali, kapyunga umo kuli cila nkulo iya ishi Nkulo Sha Ma Chalichi Cinelubali, ukulafuma, ukubekatilila mukuboko Kwakwe ukwa kukulyo. Ameni. Ulya Ali palya. Kwali ba malaika cinelubali, inkombe cinelubali, umo kuli cila chalichi. Mwacumfwa?

217 Kulya, Ena naiminina kulya.

. . . na mukanwa kakwe mwafumine ulupanga ulwatwila kubili kubili: . . .

Ngo lupanga ulwatwila kubili kubili? Aba Hebere chapitala 4, itila, “I Cebo cakwa Lesa calitwa, ica maka nganshi ukucila ulupanga ulwatwila kubili kubili, nokuya mumutoto wa mafupa, kabili Kalingulula wa matontonkanyo ya mumutima.” Cisuma.

Kabili ilyo Namumwene, Nawile pa yandi. . . Nawile pa nkasa shakwe ngo wafwa. Kabili abikile ukuboko kwakwe ukwa kukukulyo pali ine, ati . . . Witina; Nine wa kutendeka kabili uwakulekelesha:

Nine ulya uwamweo, kabili nali uwafwa; kabili, moneni, Ndi nomweo umuyayaya, Ameni; kabili Ine ninkwata imfungulo sha kumbo kabili . . . imfwa. (Uyo ni Yesu. Nomba moneni.)

Lemba ifi fintu ifyo wamona, ne fintu ifili, na ifi fintu ifikaba panuma; (Cisuma.)

Kabili inkama ya ntanda cinelubali isho umwene mukuboko kwandi kwa kukulyo, shili . . . ukuboko, ne fya kutekapo inyali cinelubali ifya golide. Intanda cinelubali ni ba malaika cinelubali aba machalichi cinelubali: . . .

218 Ooh! Ikateni ico. “Ba malaika cinelubali ni bakapyunga cinelubali aba machalichi cinelubali.” Kwaliko ichalichi ca ntungulushi ya Efeso. Nomba nga cakutila Lesa asuminisha, kabili kuti twatwalilila na ici, kabili tekusenda *Ululembo Lwa Ciswango*, Kutu namulangisha cila umo uwamulibena,

ukufika kuli ino nkulo yakulekelesha, ninshila nshi—ninshila nshi bena balimo; ukumulangisha Chalichi ca Filadelfia, ulo lwali niba Methodisti, John Wesley; ukumulangisha i—i Chalichi ca Tuatira, panumafye ya Pergamo; uyo uwali ni Martin Luther, kabili ukuya fye kuntanshi munkulo, nokulangisha cila umo uwa muli bena uwaishileleta imbila, shimpile imbila mwisonde.

²¹⁹ Kabili ukufikafye ku Mbila yakulekelesha, ileelo, ico nacilungama, uko Lesa atumine Malaika ukufuma ku Muulu, uwashininkishe umubomfi Wakwe, nokutuma i Mbila kumuntu onse. Ici tacakabe chalichi. Tacakabe akabungwe muli shino nshiku shakulekelesha. Pantu, Lesa alibika akabungwe apakusungila amabuuku, kabili bonse mwalishiba palwa ico. Kabili loleleni mpaka tukapitemo mailo ubushiku, pa *Lulembo Lwa Ciswango*, nokumona apo chalichi cenu cibebele, mwamona, nakabungwe kenu.

Nomba moneni amachalichi.

. . . ne fya kutekapo inyali cinelubali ifyo umwene ma chalichi cinelubali. (Yena machalichi.)

²²⁰ Kabili ne *ntanda*, isho, Ena ekatilile cila lutanda. Nomba lolesheni. Bushe kuti twaimininafye pali miniti? Ninjishiba ukutila Ninkwata nalimo amaminiti ikumi limo na yabili ukufika uku kabili Ndefwaya ukwisa kuli ici chapitala pano pene, nokubelenga yena ukuipwisha, nga tapali cimbi. Ndefwaya ukuleta ici kuli imwe. Ulutanda lwali ni kapyunga, kabili kapyunga uwasubwa no Mupashi ukufuma ku Muulu.

²²¹ Bushe muleiluka ukutila muleminako ulutanda mu Muulu, kabili nolutanda lonse mu Muulu lwimininako imwe? Bushe mwalishiba ukuti Lesa aebele Abrahamu ukuti ulubuto lwakwe lukaba nga intanda sha mu Muulu? Intanshi bena bali ulukungu lwe sonde, kabili mukubuuka bali intanda sha mu Muulu, abashingapendwa. Bushe mwalilwike ico?

²²² Bushe mwalishibe ukutila Yesu aali Lutanda ulwa Buta kabili ulwa Lucelo, Ulutanda ulukalamba nganshi pantanda shonse isha mu Muulu? Oh, Alleluya! Ilyo Natontonkanya pali cena, umweo wandi ulatoloka ku kusangalala. Ulya Ali palya! Mulya mu cipasho Cakwe, mu Kubapo Kwakwe, ifwe tukekala ubushiku bumo, Alleluya, ilyo ifintu fya ili sonde nafipita.

²²³ Lelo, umfweni, Ilembo nalimbi lileisa kuli ine. Daniele atile. . . Ilyo Atile, “Isaleni. . .”

²²⁴ Ilyo amwene uyu Malaika ukwika, no mukolamfula pa mutwe Wakwe; abikile ulukasa lumo pa mulundu, kabili lumo pali bemba; nokwimya amaboko Yakwe pa mulu, nokulapa kuli Ena uyo waba nomweo ukufuma pe na pe. Ilyo yalya mashiwi cinelubali yalandile ifyabo. . . Ifibulukuto Cinelubali fyalandile amashiwi yafiko. Atile, “Cikakatike; tacaishibikwa mpaka ubushiku bwa kulekelesha.” Atile, “Lelo inshita iyi nkama yakwa Lesa ilingile ukupwa, ilyo ifi fikasokololwa ku

Chalichi; nokulapa pali Ena uyo waba nomweo wamuyayaya, ukutila takwakabe ukukokola nakabili.”

225 Umfweni ifyo Alandile kulya lilya. Atile, “Kabiye, Daniele, isala i Buuku.” Mwamona? “Pantu imwe mukatusha, kabili mukeminina munshiku shakulekelesha, mumabumba yenu. Lelo abengi abo abapilibwila abengi kubulungami bakacila intanda umuyayaya no muyayaya.”

226 Mwacimona ico, “intanda,” balya bakapyunga cinelubali. Bakapyunga cinelubali, ukupita mu Nkulo Sha Ma Chalichi Cinelubali, ico icili imyaka amakana yabili.

227 Ukufuma ku myaka yakubalilapo amakana yabili, ukonaulwa kwe lyeshi; imyaka amakana yabili aya cibili, ukwisa kwa ntanshi kwakwa Kristu; imyaka amakana yabili aya citatu, ubwalenga mutanda, e Kwiswa kwa cibili kwakwa Kristu; kabili imyaka ikana limo, kabili nempela, ukutusha kwa bushiku bwa cinelubali.

228 “Ku chalichi . . .” Oh, bushe mwalashipikisha naine pama mineti ayanoono ukucilapo? [Ulukuta lwatila, “Ee.”—Kale.] Nomba, Nshilefwaya ukuminasha, lelo Nalabelenga mukwangufyanya nomba. “Kuli malaika . . .” Nomba moneni, Ena alelanda ici mukulungatana nomba. Kabili twalaya ku Pergamo no kukwata impela iya cena lyena . . . Ndepilibula, ku Laodikea, kabili elyo twalaisala. Mailo ubushiku tukesa bula ukufuma pano, pa *Lulembo Lwa Ciswango*.

Kuli malaika wa chalichi ca Efeso . . .
(Uwakubalilapo.)

229 Nomba moneni, ilyo Yesu aiminine na maboko Yakwe nfumya. Pano pali icintu icinono ico Nshilefwaya ukusha, kuli imwe. Umfweni cena. Moneni cena. Ena naiminina mukati, apo nipakati, pa Fyakutekapo Inyali Cinelubali ifya Golide.

230 Nomba, nga Naliminine *kuno*, kabili nefyakutekapo inyali fyali shingulwike, *kuno* kukuboko kwandi kumo eko Nacifumishe, kabili *apa* pali umbi, mucishibilo ca lupanda, pantu cali ukupitila pa lupanda ulwaletele i Chalichi.

231 Uyu Ali apa naiminina; kabili umukolamfula pa mutwe Wakwe, nge cipangano. “Nalipanga icipangano Candi ne Chalichi, ukupitila muli Abrahamu, ukupitila mu Lubuto lwakwe, fyonse ifitwa.”

232 Munyanane, inshita imbi iya bushiku, pakupokelela Kristu, atile, “Mwilaesha ukunsunka, Bill.” Atile, “Ilyo Lesa alanda kuli ine . . .”

Natile, “Teti wise mpaka Akwita.”

233 “Takuli umuntu uwingesa kuli Ine, kano Taata Wandu aita.” Umuntu umo acita icintu cimbi, icimitinta, ico muntu umbi. Lelo lintu Lesa alanda, iwe uli nokwisa, mwamona. Ico nacilungama.

Ukwiminina kulya. . . “Takuli umuntu uwingesa, kano Taata Wandu amwita.”

²³⁴ Apa Naiminina palya, “ukulolesha pelibwe lya yaspa na sardi, uwantansi kabili uwakulekelesha,” Benjamini na Rubeni, fyonse ifikolwe ikumi limo na fibili. Kabili ifyo, Baibele, yonse fye yalisuntikana pamo fye nga filya, ifintu fyonse ukupwililika! Moneni ilyo Ena eminine palya, ukulolesha pali nomba, moneni icalacitika. Atile Ena ali “Alifa na Omega,” Ena ali “Ukutendeka kabili ne Mpela. Uyo Uwalipo, kabili Uulipo, kabili Uu Kesa.” Ena alikwete mukuboko Kwakwe ukwa kulyo, nomba, intanda cinelubali.

²³⁵ Nomba pano Ena atendeke ukuya ku Efese, kabili Ena atendeke ukwasha icakutekapo inyali. Aishile cileta kulya. Kabili inkulo yakonkelepo, twasanga ukutila, inkulo yachalichi iyakonkelepo, yatampa ukushima; iyaonkapo inkulo yachalichi iyakonkapo yashiminako ukucilapo; mpaka inkulo ya chalichi iyalenga cine, imyaka ikana limo ne myanda isano iya nkulo ya mfifi. Kabili inshita yamu 500, 1500, muli ilya nshita, kwatampile ukufita mpaka kwafika pamulu, kabili cali pepi nokushima.

²³⁶ Kabili, moneni, cila imo iya shilye nkulo shama chalichi, Atile, “Iwe tawakana i Shina Lyandi. Iwe tawakana i Shina Lyandi. Iwe tawakana i Shina Lyandi.” Lelo ilyo Ena aleisa kulubali lumbi ulwa nkulo shamfifi, atile, “Iwe naukwata ishina ukutila uli nomweo, kabili walifwa.” Alyampenye. Abulile ishina limbi lityabufi.

²³⁷ Moneni, mailo ubushiku, ifyo munkanyakristu aba. Alikwata ulubatisho lwabufi, ukumulenga ukucetekela ukuti lubatisho lwa Mupashi wa Mushilo. Alikwata ulubatisho lwa mu menshi ulwa bufi (Ee, mukwai.), ulu ulushali na mu Malembo. Ena alikwata fyonse filya fintu, ifyalinga fye ukupashanya, ukucenjela no bucenjeshi.

²³⁸ Moneni emo cilefuma. Palya pene apo catampile, mukati mulya; ukwisa kuli ulu ulubali lumbi *kuno*.

Nomba Atile, “Iwe ukwete fye Ulubuuto ulunono,” Luther.

²³⁹ Nomba kwaishile Wesley, kabili nefyo cali mu nkulo yakwe. Cena catampile ukuba icabutisha.

²⁴⁰ Nomba, ukufuma pakati ka ilya nkulo ne nkulo yakulekelesha, Ena abikile iciibi icaisuka. Abikile umwinshi uwaisuka kuli abo abali no kwisamo. Elyo Atile, “Aile mu mibele iya cifulefule.” Kabili Ena afwishile ukufuma mukanwa Kakwe. Asendele abashalako, ukubuka kwalishile, kabili Ena aile pamo na cena. Ico nacilungama.

²⁴¹ Ulya Ali palya, naiminina mu fya Kutekapo Inyali Cinelubali ifya Golide. Nomba:

Ku . . . chalichi ca Efese lemba auti; Ifi fintu . . . lemba; Ifyo asosa u waikata intanda cinelubali mukuboko kwakwe kwa kulyo, uyo uwenda mukati ka fya kutekapo inyali ifya golide cine lubali;

242 “Nalishiba imilimo yobe.” Ibukisha, iwe tawalabwa.

Ine nalishiba imilimo yobe, kabili nokucucutika kobe, kabili nokutekanya kobe, kabili . . . iwe tekuti ufisende fyena ifyo ifyabipa: . . .

243 Kabili ifwe tusumishafye icintu conse ico icabipa, nokwita cena bukapepa. “Oh, ukuba, balaya . . . Tulaya ku chalichi. Tuli fye bwino nga bantu bonse abashala.” Wayafye ku ng’anda, waikala ku ng’anda pali Citatu ubushiku kabili uletamba icitunshi tunshi, ifilindi filya fine ifya kumbo. Ico nacilungama. Nokuya mukumfwa ubunkolanya bwafikope, nokuya uko batambila ubunkolanya muli motoka. Nakukabisha ukuya kufyakutamba, naku . . . kuchalichi; nabakashimikila baisala, pakati kalusuba. Mwatila, “Nakukaba sana ukwakuya ku chalichi.” Tacaba, icabipa sana, ukuya kumbo, munyina. Imwe muli nokuya, shimo muli ishi nshiku, uko ukwakaba ukucila filya. Imwe mulingile ukumfwa.

244 Musango nshi iwe? Munyina, iwe tekuti ulenge inkunda ukulya kabalwe uwafwa, nga iwe wali nokucita. Ena tekuti acicite. Icifyalilwa cakwe calipusana. Inkunda tayakwata indusha. Yena tekuti isungulule cena.

245 Kabili umuntu uyo uwafyalwa cipya cipya, ku Mupashi wakwa Lesa, tekuti alye ifyo fintu. Ena tekuti asuminishe ico. Cena ukufuma mu mano yakwe. Ena tekuti acite ico. Ena tekuti.

246 Mwalicishiba. Ifyuni fya masako yamo yene fipupukila pamo. Kabili, ileelo, isonde ne chalichi fyaba ifyapalana nganshi, imwe . . . Balanda ifyapalana, banwa ifyapalana, bapeepa ifyapalana, batipa ifyapalana, bafwala ifyapalana, bacita ifyapalana. Kabili bena, imwe tekuti mwishibe umu ukufuma ku mubiye, kabili nomba imwe mulingile ukukakatikwa na Mupashi wa Mushilo.

247 Ico cintu cakosa nganshi, munyina, lelo, Ndekweba, cili nokumupela Umweo.

248 Kwaliko umuntu, inshita imo, aile kwi bumba lyaba kashimikila, uko bakwete seminali, ukwitwa isukulu lya bakasesema. Kabili umu uwa bena atile, “Tekapo impoto ikulu nomba. Tuli nokukwata icakulya cacungulo cimo.” Atile, “Eliya aishile, umuntu uyo icine cine uwakwete ifipandwa fibili.”

249 Eico umu pa bantu aile mukubula shimo—shimo intongwe, kabili asendele icisakatu cansupa shakatapa katapa nokushibika mumpoto, nokutampa ukushipika. Mulandu nshi, batendeke ukulya. Batile, “Muli mfwa mu mpoto.” Cilya caba

fye kwati niyamo aya amaseminali ayengepika, nayo. Ico nacilungama. Atile, “Muli mfwa mumpoto.”

²⁵⁰ Eliya atile, “Loleleni pali miniti, twalamona pali ico.” Aya nokubula ubunga mulupi, nokubuposamo, eico ico capilibwile fintu. Ubunga, ubunga bwe lambo, “Yesu Kristu cimo cine mailo, ileelo, no muyayaya,” ubunga ubwapelwa bumo bwine, ubwe lambo lya bunga, kabili calipangile ubulekano.

. . . tekuti nshipikishe *nabo ababifi: kabili mwalibesha*
aba tila bena niba kashimikila, nangu, *abatumwa, kabili*
ta baba, *kabili babasangwa* ukuba ababufi:

²⁵¹ Ifyo eflyo Alandile; Nshalandile ico. Ndebelengafye Ena. Lelo namwishiba ifyo Lesa afwaya? Lesa afwaya ulubatisho lwa Mupashi wa Mushilo, nga teifyo iwe waliluba.

²⁵² Kabili umwaume kuno lubali naba D.D.D. babili, na L.D., na Ph.D., kabili Bachelor digri, ne fintu fyonse ifyashala kunuma yaico, kabili inshita shimo tabaishiba ifingi pali Lesa ukucila nangu cimo. Ico cishinka. Munyina, ico tacipilibula nangu cimo. Lelo isonde lyonse litila, “Ukuba, kapyunga wesu ni Dokota wafya Bulesa.” Oh, uluse. Ico tacakwatapo icakucita na Lesa ukucila—ukucila ukunwa amenshi; tacafikapo. Ico nacilungama. Lesa tasakamana nibanga ba Ph.D., nangu ba D.D. Kabili—kabili mwalishiba ifyo Baibele ita . . . Nomba, ici tecakuseksha, pantu Nshacetekela mukubeba. Lelo Baibele ita D.D., “imbwa iyafwa.” Ifyo nibwino bwino fye ifyo Baibele yalanda ukutila cena cali, “imbwa iyafwa.” Cisuma, atile, “Shena tekuti shibose.” E ico, nomba, cisuma.

Kabili walikwata, walikwata ukushipikisha, kabili pa
mulandu we shina lyandi. . .

²⁵³ Oh, Ndefwaya ukwingisha ico mukati, e ico imwe muli nokukwata ico munshita shabushiku ishinono, Lesa ngasuminisha.

. . . *mwalibomba, kabili tamwaleka.*

²⁵⁴ “Iwe waikala uwalungama na Cena.” Cisuma. Moneni.

Nangu cibe ifyo Ninkwata ifintu fimo ukulola kuli
imwe, . . .

²⁵⁵ Nomba, pano epo Ningile ukushila nomba, apanono, mpaka Nafisha ici apa icakuti tukacikate mailo munshita yabushiku.

. . . *ninkwata ifintu fimo ifinono ukulola kuli imwe,*
pantu mwalisha icitemwiko cantanshi.

²⁵⁶ Cinshi icilecitika ne hema? Umuntu alingile ukulanda, ilyo mwakumanya umuntu mwatila, “Bushe ifyakupitamo fyenu ifya bwina Kristu, ni lilali cali icawamisha kuli imwe?”

Mulingile ukutila, “Ino ine nshita!”

257 “Cisuma, icakupitamo candi icawamishe cali kunuma ilyo Naishile kwata ulubatisho lwa Mupashi wa Mushilo, ilyo Naishile.”

258 Nomba ukutila, “Oh, munyina, iwe walipona ukufuma kukusemanina.” Ico nacilungama. Moneni.

. . . wa lisha icitemwiko cobe icantanshi.

Ukulangisha ukutila balikwete icintu cimo mukutendeka, kabili balicisha.

259 “Te uyo utendeka; lelo uyo uushipikisha mpaka kumpela, euyo umo uukapusuka.” “Te ena . . . bonse abatila, ‘Shikulu, Shikulu,’ kano uyo uucita ubufwayo bwakwa Taata Wandu.” Oh, lekeni fye ico cumfwike pamaminiti ayanono. Nacilalanda mukwangufyanya muno bushiku, nangu cibe ifyo, e ico lekeni ico cumfwike pamaminiti fye ayanono, mwamona. “Uyo uucita ubufwayo bwakwa Taata Wandu.” “Uyo ukashipikisha mpaka na kumpela. Uyo ukashipikisha!”

260 Nga cakuti umo muntu atila, “Ndecetekela ena, ulya muntu, ni bumbimunda uwakale.”

261 “Ukuba, nga uletontonkanya ico palwa ine, Nalafumamo muchalichi. Nshakakwate necintu icakucita na cena.” Cisuma, mwacimona ico. Mwamona? Cilelangisha ifyo mwapangilwako. Munyina, nga cali ningano icakubalilapo, cikaba ningano kumpela. Tamwatalile ikala inshita itali nganshi kuno. Iwe taulungamika icintu. Ico nacilungama.

E ico ibukisha apo waponene, . . .

262 Bwelelenimo no kwibukisha ilyo mwalekwata icakupitamo ico imwe tekuti mulande pa muntu nangu umo. Icintu icili conse icalilubene muchalichi, tamwaikele pamastepu ya mwinamupalamano wenu kulya nokulanda palwa chalichi, nokulandapabantu bonse, mwaya nokuya ilunda kuchalichi cimbi. Iyo, mwaikele palya pene, nomutekatima nokupepela pali ico, kabili na Lesa alishile cipwisha, mwamona.

Ibukisheni . . . apo mwaponene, nokulapila, . . .

263 Mwalishiba efyo “ukulapila” cipilibula, bushe teifyo?

. . . nokucita imilimo yobe iya ntanshi; . . .

264 Bwelelenimo nokukwata icakupitamo cenu icantanshi. Citeni ifintu ifyo mwacitile mukutendeka. “Kabiye ni kulya kucipailo nokucilungamika kuli Lesa,” mumashiwi yambi. Ico nacilungama.

. . . citeni imilimo yenu iyantanshi; nga teifyo Nkesa kuli imwe mukwangufyanya, kabili Ndi nokufumyapo icakutekapo inyali cobe mu cifulo caciko, nga taulapile.

265 Uh-huh, “Nga tamulecita, mukakwata icasalanganishiwa, nokuya mutupimfya, kanofye mwalapila.”

266 “Lelo ici iwe...” Oh, nomba ifwe twaisa. Ikatisheni. Kutikisheni. Fwaleni ilya lyenu ilya bukapapa nomba, kabili ponyeni umwamfuli wenu. Umfweni. Pantu...

*Lelo ici eco wakuta, wapata imilimo yabena
Nikolaito, iyo napata Na ine.*

267 “Iwe walipata ificitwa fyabena Nikolaito.” Nomba moneni. Cali ni cinshi “imilimo” mu Efese, munkulo ya chalichi iyakonkelepo, cali “isambilisho.” Tuli nokwisa senda ico, mailo ubushiku, “abena Nikolaito.”

*Kabili u wa kwata ukutwi, lekeni omfwe ifyo u
Mupashi ulelanda kumachalichi; Kuli uyo uukacimfya
Nkamu pela ukulyako kucimuti ca mweo, icaba pakati
ka paradise wakwa Lesa.*

268 Nomba, icilekonkapo, vesi ilekonkapo iletendeka ne Chalichi ca Smurna.

269 Nomba, “Abenanikolaito,” palya epo tuli nokutendeka, mailo ubushiku, ukufumya mu Kusokolola 13. Bushimapepo bwa bena Nikolaito, ifyo bwatendeki mulya mwine mu Efese. Kabili palya epo ilya nkulo yachalichi yafililwe, mummyaka imyanda itatu iyakubapo. Ilyo tailafumapo, ba Nikolaito batampile isambilisho, bushimapepo bwababwananyina.

270 Kabili nomba, icakubalilapo, cafumine kuli Nicolasi, uyo wali umo uwa—uwa ba...umo uwa i...kabili ena...Mu Milimo ya Batumwa chapitala 6, Ndecetekela, kabili vesi ya 5, uko aile nokusala ba dikoni. Kabili basendele uyu umo, uyo wali ni Nicolasi kulya, nokutendeka ukufuma kulya nokwita bena Nikolaito, nokutendeka ukwampanya bushimapepo. Kabili ukufuma palya caishileba “imilimo,” ifyo balecita, ukulanda ifi fintu mukuyebelela, kabili nafimbipo. Kabili nomba caishileba “isambilisho” kuno, nokuya mu Babyroni. Kabili yashilepela pano, panshita yakulekelesha, nobwina Kristu bonse ukupombwa pali cena; abashalako fye abanono ku kupusushiwa ukufuma muli yena. Lolesheni nokumona ifyo yena ili, mailo ubushiku, nga Lesa nga aba uwasuminisha.

271 Oh, munyinane uwatemwikwa, nkashi yandi uwatemwikwa, kuli Ena uumisunga kukukana pona, kuli Ena uyo uwingekata umutima wenu mukusenamina, lekeni Asumye amapalo Yakwe pali imwe. Mwikatala laba ukutila tuleikala munshiku shakulekelesha isha nkulo ya chalichi yakulekelesha, uko calandilwa kabela ukuba inkulo ya chalichi iyacifulefule, citika fye uwamutima palwa Cena. Kabili lekeni ukuba nomutima uwa citika. Mucine iseni kuli Kristu, nomutima wenu onse.

272 Nshilemweba i chalichi icakuilundako. Ico tacikwete... Lesa takatale mwipusha ico mu Bupingushi. Iyo, mukwai. Tasakamana ichalichi ico mwabako.

273 Ena alefwaya *iwe*; cena muntu umo. Kabili ufwile wafyalwa cipya cipya kabili nokupokelela ulubatisho lwa Mupashi wa Mushilo, nga teifyo iwe ninshi nauya. Mwamona? Uleangalafye ichalichi, ulepashanyafye, mpaka icine cine waisakwata icakupitamo icakufyalwa cipya cipya.

274 Kabili palya, Ulya uwaiminine palya, kabili ne Fyakutekapo inyali Cinelubali ifya Golide, ukupita mu Nkulo Shama Chalichi Cinelubali, na Mupashi wa Mushilo umo wine uwasanike mu Chalichi kulya, ala Cisanika kuno.

275 Nomba, kwaliba bakapashanya muli cilya chalichi, kabili ici abena Nikolaito kulya, kabili ukupita monse mu nkulo yonse iya chalichi, bakapashanya, mpaka cafika pano mpaka cabafye akakalamba akaapana akabungwe. Kabili Lesa alafumyamo icintu conse, kabili asenda abashalapo aba bantu ku Bukata.

276 Lekeni Shikulu amupale. Ici cili nge cakalabana, bacibusa bandi, lelo cena cisuma. Cili nokumwafwilisha nokumusunga kukukana pona. Nomba, mwilaya, nokutila, “Munyina Branham alelanda palwa chalichi candi.” Cena tacapilibwile kuchalichi icili conse. Cena capilibula fye kuli imwe, ngo muntu umo. Nshicita . . .

277 Nga mwaba ku chalichi ca Baptisti, lyena mube ba Baptisti abene bene abaisushiwa na Mupashi wa Mushilo. Nga mwaba ku chalichi ca Methodisti, beni ba Methodisti abene bene abaisushiwa na Mupashi wa Mushilo, fyonse fintu cili. Kabili imwe tamwakabe nenkongole; mukaba icakutasha kwi chalichi icili conse, nangu umwina mupalamano uuli onse, kubukata bwakwa Lesa.

Lekeni Shikulu amupale nomba, ilyo tuleiminina, nga kuti mwacita ico.

278 Mwebatemwikwa Shikulu wa Mweo, panuma yakubelenga i Cebo Cenu, natwiminina mukatina. Ukukutuluka ukuti ubushiku bumo uku ukubelenga muno bushiku kukaba . . . Tuka Cumfwa palwa kwambula kwa pali tepu, nga fintu cali, pa Bushiku bwa Bupingushi. Nicinshi ico tuli nokucita palwa ico? Ukumona ukutula tuleikala muli iyi nshita yakulekelesha, imfifi konse konse, we nshita we. Tulemona Ukwisa kwakwa Shikulu, ifishibilo filemoneka, “amabimbi yakalamba aya kunkuluka; imitima ya bantu ukupona umutombo, ukutina; ukusunguka palwa nshita; amacushi pakati ka fyalo.”

279 Abengi batila, “Oh, Nalyumfwa ici pa myaka iingi.” Lelo bushe Amalemba tayalanda ukutila bena kuti balanda ukutila, “Tapali ubupusano mu nshita ukucila ilyo bashifwe baponene mutulo”? Ukwabula ukwishiba ukutila tuli pa mwinshi. Ena limbi kuti aisa ilyo ulucelo talulafika.

280 Kabili, Taata, bushiku nshi nangu ola nshi, bushe twalishiba, ukutila utu utwakalabana ututambo twamweo uto tuleendapo tukaputuka pesamba yesu. Imyeo yesu iibusu ili nokukobama

mulya mucipimo, pa Cebo cakwa Lesa, ne mibele yesu pafyo twaumfwa nokubelenga.


²⁸¹ Natushingamwa, Shikulu, ukwiminina nomba no kuicencenta fwebene. Kabili ilyo abaume na banakashi, abalumendo nangu abakashana, beminine muno muli ili bumba ilinono, muno bushiku, mumano ayatuntulu netontokanyo lyapwililika, lekeni bena batontokanye mukushika nomba. Kabili nga cakutila tabalati bafyalwe cipya cipya, lekeni bafwaye ico mumitima yabo nomba line batile, “Nshakatale Iya nangu ukunwa mpaka Mukanjisuushe na manna imo ine uo Mwabeswishe pa Bushiku bwa Pentecosti. Mpaka isonde lyaba ilyafwa, kabili ifintu fyonse fyaba ifya cibili kano Imwe, Shikulu Wandu, kabili ukutemwa kwa fintu fyonse ifyashala kukapwa. Lelo sendeni ukutemwa kwesonde ukufuma kuli ine, kabili lekeni ine ukufuma bunu bushiku mbe Wenu onse.” Cipeleni, Shikulu.

²⁸² Beni nabantu ilyo baleya kumayanda yabo. Ibukisheni abalekabila, O mwe Lesa, ababusu mucalo cesu, ababusu kumupashi, abo abali nensala.

²⁸³ Lesa, imyeni bakapyunga, konse konse. Besusheni na Mupashi wa Mushilo, kabili batumeni, mukushimikila, Shikulu, ngenkuni sha mulilo. Tatwishibe ni ola nshi. . .Tupitafye muli iyi nshila umuku umo. Tubafye nomweo uufwa umuku umo, kabili ukutotela kube kuli Lesa pali ico. Lelo, mumweo uuleisa, tatwakashimikile i Mbila nsuma mumweo uyo uleisa; lelo tuli nokusangalala mu Mbila nsuma, pamo nashilya inkulo isho shasumine Yena; pamo no Cilolo Umukalamba, Shikulwifwe Yesu Uyo uwaba uwalinga onse, kabili amalumbo yonse yabe kuli Ena umuyayaya no muyayaya. Ameni.

²⁸⁴ Lesa amupale. Pilibukeni nokuposhanya muminwe umo nomubiye, ilyo tuleimba *Ibe Iyapalwa Intambo Iikaka*, nga kuti mwacita ico.

Ipalwe intambo iikaka
 Imitima yesu mukutemwa kwa bwina Kristu;
 Mwisenge ilyapalwa
 Lyaba kwati niku Muulu.
 Kuntanshi ya Cipuna cakwa Taata wesu,

²⁸⁵ Nomba, poshanyeni amaboko umo nomubiye. Yena ili fye amaminiti ikumi, inshita, pantu inyali nomba nashipwa. Bonse poshanyeni mumaboko, kabiyeni ku ng’anda, nokusangalala, kabili mukabwele mailo ubushiku. Pa sebeni sate, bwino bwino fye, ninshi twatendeka ukulongana, Lesa ngasuminisha. Ifyo yawama. . . ? . . . 

54-0512 Inkulo Sha Ma Chalichi Cine Lubali
Branham Tabernacle
Jeffersonville, Indiana U.S.A.

BEMBA

©2024 VGR, ALL RIGHTS RESERVED

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Icishibisho ukufuma ku mwine kalemba

Insambu shonse tashisuminishiwe. Ili buku kuti lya lembwa pali pulinta yapa ng'anda ku kubomfya kwa muntu pa lwakwe nangu ukupela, ukwabula amalipilo, nge cipe caku sabankanya Imbila nsuma iya kwa Yesu Kristu. Ili buku tekuti lishitishiwe, ukulembululwamo ayengi, ukubikwa pa mwela, ukusungila muli ba mashini, ukwalula mu ndimi shimbi, nangu ukuli bomfya ku kulomba indalama ukwabula insambu shalebwa na ba Voice Of God Recordings®.

Nga mulefwaya ukwishibilapo nafimbi nangu ukufwaya na fimbi ifyabapo, twalomba tumeni kuli ba:

VOICE OF GOD RECORDINGS

P.O. BOX 950, JEFFERSONVILLE, INDIANA 47131 U.S.A.

www.branham.org